

哀

烈

錄

哀烈錄目錄

勞太夫人像

康幼博烈士像

文卷一

勞太夫人行狀

康廣仁傳

貞孝康逸紅女士羅宜人墓誌

請誦六烈士呈

文卷二

祭先妣勞太夫人文

祭亡弟幼博烈士文

亡弟幼博烈士禱廟告祖文

久亡還鄉祭先廟告祖文

哀烈錄 目錄

康有爲

梁啓紹

康有爲

陳廷傑

康有爲

康有爲

康有爲

康有爲

一

哀烈錄 目錄

久亡還鄉祭告先墓文 附

久亡還鄉謁先祖先考墓告祭文 缺

祭仲姊羅宜人文

祭勞太夫人文

祭勞太夫人文

追悼康烈士幼博文

大總統來電一

覆總統電

大總統來電二

覆總統電

大總統來電三

覆總統電

廣東都督鎮守使民政長唁電

二

康有爲

康有爲

康有爲

陳昭常

許作韶

曹 毅

袁世凱

康有爲

袁世凱

康有爲

袁世凱

康有爲

龍濟光
龍觀光
李開侁

謝廣東都督鎮守使民政長電

唁書

唁書

輓詩卷三

輓聯卷四

輓聯卷五

跋

康有為

顧璜

熊希齡

康有為

哀

烈

錄



哀 烈 錄



哀烈錄 目錄

勘 誤 表

卷一

第六頁	十二行爲少讀書誤印小讀書
又六頁	十三行汝祖以科第誤印汝祖
又六頁	又十三行光緒乙未誤印光緒
九頁	第八行故于中外之故誤印外中
十二頁	又八行啓超誤印啓超
全上	十一行裕祿之下漏一及字
全上	十二行總統袁之下漏世凱二字
十四頁	第八行姑試之誤始試之
十五頁	第八行君醫醫權君下字醫一醫字
十七頁	第一行王小航誤印王容航
全上	第七航在書春誤印在春
二十頁	第七行德充符誤印德完符
全上	十一行謬誤無
廿一頁	十三行仗銀誤印伏銀
廿二頁	第四行慧婚婚玉凡凡誤印是博博玉凡凡
廿四頁	第八行造壯誤印造壯
卅二頁	第四行仗字誤印伏字
卅四頁	第二行冬字誤印東字
全上	第五行途次誤印途次
全上	第六行備之未週誤印不週
全上	第八行長經誤印衰經
卅六頁	十二行點電誤印來電
卅七頁	第九行衰紳誤印衰紳

勘 誤 表

卷五	卷四	卷三
七拾頁 十一行蓋以竹欄影關誤印影以竹欄關	十七頁 第十行若滂母印苦滂母	十二行 良毋過誤印良毋過
五十六頁 十二行黃梅清輓誤印海清	十八頁 十二行此日魯夔誤印魯黎	第三頁 第八行伏龍誤印伏龍
	廿二頁 第三行此行末漏一仁字	第七頁 第一行千秋恨誤印限字
	廿七頁 第一行千年仿字誤印仇字	十五頁 第十行輓勞太夫人誤印輓幼博
	四十二頁 第八行江希張輓滯一江字	

勞太夫人像



康烈士幼博像



哀 烈 錄

文卷一

先妣勞太夫人行狀

男康有爲述

康有爲負罪久逋亡。辭母不得事。不得見而母沒。椎心泣血垂涕洟。欲紀母芳烈。告天下後世。而半載哀哀。執筆輒痛。不能成文。嗚呼。爲人子不孝。不能事母。罪通於天。雖然。母氏聖善。德洽於人。以哀毀不能著。母徽音。其罪滋大。乃作而言曰。有齋肅肅。咫尺輟錄。非禮不履。上媚事其舅姑。中睦順於族人。寡交而和親。下慈字其子女。而正教之。我不知敬。姜鍾郝之懿若何。若吾母於禮。蓋天性也。非其有而僞之。是誣也。康有爲畧通天人之故。安敢以小善行其誣。乃言曰。吾母無游言。無戲動。無狎色。坐必莊容。必恪行。必朴言。必確知。分而自足。節用寡欲。而無求。不假貸於人。嚴事寢廟。至敬。部署家人。至肅。防閑內外。至峻。鼎鼎字字。臨事至慎。不取分毫。非義之財。不可干以分毫。非義之事。則峻拒。現詞色。樂於從善。而嚴於嫉惡。不笑。不謔。不弄。不游。不好觀。百戲。自筭。至易。簪。自髻。至履。內而髮膚。指爪。外而衣服。什器。几席。床榻。杯盤。屨。洗。必整。必潔。十年不見少亂也。不尙華而尙齋。終日治家。跬步不逾。笑不至矧。怒不

哀 烈 錄

哀烈錄卷一

二

至。詁。諄。中。中。惟。言。孝。慈。忠。信。廉。恥。陸。讓。之。道。日。事。治。家。無。旁。及。灑。掃。補。綴。縫。紉。至。耄。耄。不。少。息。爲。謹。請。息。則。責。爲。以。家。世。儒。素。不。可。奢。佚。雖。有。園。林。年。八。十。亦。間。日。乃。一。游。涉。吾。母。未。嘗。從。師。學。而。履。道。由。禮。坐。尸。立。齋。嚴。密。栗。毅。乃。似。宋。賢。之。學。道。者。望。溪。偶。其。母。嚴。於。禮。疑。與。先。妣。近。若。得。於。天。稟。爲。與。弟。廣。仁。性。近。嚴。毅。皆。自。母。來。蓋。種。傳。之。自。然。也。篤。舊。而。惡。變。少。樂。而。多。憂。樂。居。中。國。而。惡。居。異。域。樂。故。鄉。蘇。村。宗。族。妯。娣。往。還。之。厚。而。不。樂。港。澳。人。家。獨。處。之。蕭。條。好。子。孫。聚。繞。於。膝。下。而。不。樂。子。孫。宦。學。遠。游。離。別。于。四。方。好。衣。食。粗。足。僕。婢。足。供。使。令。之。中。資。而。不。欲。甚。貧。甚。富。然。而。天。命。不。猶。所。丁。非。時。有。子。不。孝。妄。預。國。事。遂。重。罹。母。憂。爲。也。亡。人。也。自。戊。戌。獲。罪。予。季。被。戮。全。家。逮。捕。幸。天。之。祐。吾。母。自。戊。戌。八。月。十。二。日。自。吾。鄉。銀。塘。出。粵。城。至。港。竟。脫。大。厄。吾。孥。皆。免。于。難。而。香。港。澳。門。密。邇。庭。戶。託。庇。異。國。少。寧。厥。居。凡。十。有。六。年。而。爲。既。出。亡。幼。弟。已。喪。無。子。侍。左。右。爲。五。十。晚。得。子。同。籓。吾。母。惟。愛。撫。童。孫。籓。以。解。憂。然。恒。鬱。鬱。不。樂。港。澳。地。昂。屋。小。居。既。狹。隘。迫。宿。昔。里。巷。鄉。曲。之。過。從。宗。族。妯。娣。之。洽。比。不。能。漫。游。不。可。得。見。又。鬱。鬱。不。樂。既。念。子。有。爲。與。有。溥。或。奔。亡。或。死。已。而。吾。女。同。薇。

哀 烈 錄

遷于上海。同壁與外孫游師尹。游學於美國。幼博女同荷游學于日本。思之不得見。又鬱鬱不樂。初遭難。百物皆盡。不時匱貧。典貸。吾母生習于富。未嘗爲也。又鬱鬱不樂。晚病咳累年。中夜咯咯有聲。夜寢偏左。不能轉側。或患胃痛驟起。諸女不在旁。諸婦室遠。不能時夜起。淒寂無聞。又鬱鬱不樂。生長內地。六七十歲。驟處異國。與其政俗不習。每觀聞輒作惡。又鬱鬱不樂。吾姊少寡。而家中落。子婦皆故。累年病乳。竟夕呻吟。吾舅家承七世素封。自戊戌後。夫婦病逝。諸子不能立。家中落。羣從皆落拓。吾族亦中落。每顧內外親。又鬱鬱不樂。爲三十七歲前。潔羞髓。捧丸席。未嘗旦夕不侍母。爾後遠游多而侍奉少矣。自戊戌遭難。八月十六日。英以兵船護送歸港。大隈伯迎往日。以九月十二日行。侍母不及一月。越年己亥九月。自倫敦加拿大歸港。以立大阿哥廢德宗故。懸十萬金購捕爲頭顱。那拉后特命大學士李鴻章督粵捕爲。懸封以公爵。十二月二十六日遂行。侍母不及四月。遠遊四五年。至癸卯由印度至緬甸而瓜哇。九月歸港。至甲辰二月初六日行。侍母不及五月。漫游歐美五年。至戊申九月歸檳榔嶼。十月迎母居檳榔嶼。十二月母行。事母僅二月。越二年庚戌八月。復歸

哀 烈 錄

哀烈錄卷一

四

港。至十二月行。事母不及四月。越明年辛亥四月十日。至港。至五月十一日。去港。事母僅一月。曉起日曠。矚照窗。叩首辭母。吾母送爲下樓。扶闌俛視。爲吻母手。仰視母。含淚降梯。回首仰視母。母又自窗送。爲出門乘輿。仰視樓窗。母面倏忽輿行。於是痛心疾首。永永不得見吾母面矣。嗚呼。吾母雖增壽二年。而爲不得見吾母。事吾母。卽非復爲之母。吾母有子。實與無子同矣。行未四月。革命起亂。暴民大騷。毀吾商報。將攻吾家。吾母中夜倉黃。携三歲孫。匿避港之育嬰院。益頽窶不樂。去歲十二月九日。吾母壽八十二之生辰。吾居東念母甚。束裝挈新生女同琰。決歸省。覲門人麥孟華羅普。適來謁吾於日本。以暴民橫行。力請勿歸。適病風。閱三月。日欲歸港。覲未得。癸丑四月。決移家永歸港。事母。以日本人善刀圭。乃割瘍于東京。三月未痊。而七月七日。吾母病風。不解人事。翌日初八日未刻。遂永永見背矣。嗚呼。有子不孝。罪通天。不能事母。不能見母。號泣昊天。豈有終極哉。太夫人勞氏。外祖考候選知府。省閑公諱德芳。外祖妣徐恭人之次女。勞氏七世素封。家法謹於禮。有袁柳之風。至省閑公。以貞幹嚴毅之德。得粵城及鄉人望。嘗修廣東貢院。築鄉堤。及鄉局登雲書院。

哀 烈 錄

大工。偕徐恭人睦鄉。恤族。有萬石君之型也。爲童穉時。騎竹馬至外氏。勞邊村。曉隨外祖妣。携籃至市。購糕歸。徐恭人煦煦慈我。又得捧外祖考手以宅相期焉。太夫人熏外祖考之嚴毅。外祖妣之慈愷。成是嫩德。十九歲。嬪於先考。提舉銜江西補用知縣。少農府君諱達。初字植謀。祁祁瑟瑟以和。共事先祖考。升用知縣。連州訓導。述之府君與先祖妣陳太恭人。童童翼翼以敬。先祖考會試留京。既而任合浦靈山訓導。欽州學正。先考以事母鄉居。授徒者十年。與太夫人色養。陳太恭人性儉。常好食薯芋。太夫人以富家女而甘焉。陳太恭人病乳三年。沈繇床褥。太夫人撫吾兩姊。且腹爲家。僅一婢。朝夕供饘。役事枕席醫藥。與先考衣不解帶者三年。事庶姑。處諸叔娣。媼至和親。未嘗一愠色。于先產未嘗過問。愛羣從如子。爲少多病。抱爲十八日。不得臥。慈愛極至。一日不見。則不。懼。有少物必儲分衆子女。而教責至嚴。坐行起臥必誨戒。喋喋言忠孝慈惠。信睦報應。述先德。道舅姑。命學之。類述先君遺命。戒爲勿辱。先爲年雖五十。舉動起居。少失禮。必面譴。不少寬。先考久病。棄養於中年。家中置吾男女兄弟五人。皆穉。四妹順四齡。弟廣仁也。呱呱半載。太夫人左提右抱。一婢執爨。

親操作。一歲集蓼嘗辛。至苦矣。太夫人外家素封。又性儉。治家有常度。乃出奩資。清宿逋。限月費。轉輸運。助爲購書。嫁三四妹。通吉凶。待族戚。禮際不廢。益隆。凡十餘年。爲得從容。閉戶讀書。不治生。惟太夫人能持家之故。否則爲少孤者。安能成學乎。太夫人生子女六人。伯姊孳最慧。四歲而殤。仲姊逸。紅性仁孝。聰明強敏。善治事。生年六十。未嘗一失色。失言。其才過爲遠矣。嫁羅逢喬。銘三十七日而寡。撫繼子而娶婦。皆早死。姊旣無後。傷心弔影。伶仃孤苦。積成乳病。呻吟床席。母最憐而憂念之。叔妹瓊。瑤柔嘉。婉孌。慧而好學。適游湘琴。二十八歲而寡。遺二女。蘊鳳。遺腹子。一師尹。皆吾母撫之。今師尹學於美國。才志成矣。最幼之子有溥。字廣仁。嘗吏于浙。旣而爲候選主事。當德宗戊戌之維新。以才被奏薦。將簡爲懋勳殿行走。遂遭八月廢立之政。變逮捕於京師。南海會館。廣仁才氣蹇蹕。神鋒峻厲。銀手如斷。明於新學。練于治事。勇於變法。與譚復生相與上下議論。橫睨一世。不克小施。遂遭大戮於柴市。不敢以告母。但言爲僧於蒙古山寺。母念之憂甚。則僞書慰藉之。爲小讀書。無宦情。不欲就科舉。母強之曰。汝祖以科第望汝。汝不可違。及光緒乙未成進士。則曰宦途多危。吾

哀 烈 錄

欲常見汝。不可仕也。丁酉。以膠州割。詣闕上書。翁常熟以國士舉。受德宗景皇帝之知。毗贊百日之維新。諫行言聽。大變新法。守舊諸臣。榮祿剛毅等。讒于那拉后。搆大獄。幽德宗。掃新政。殺六烈士。囚逐黨人。朝士之賢者爲一空。爲以維新黨魁。蒙難尤酷。八月六日。閉京城。斷鐵路。緹騎三千。大索於京津。又大搜於上海。購頭顱之金三十萬計。掘先塋。捕全家。累吾母。幾不免于大戮。累十六年。流離異域。無能少報。嗚呼。有爲不孝。罪通於天。每一觸思。痛摧肝腑。吾母在。有清誥封宜人。以爲覃恩。晉封太恭人。壽八十三歲。十月爲割瘍愈。奔喪自日本。以十一月十六日。厝葬于所居南海縣蘇村之後岡。以幼博弟。祔焉。累夕草文。觸事崩痛。輒輟筆。除夕乃成狀。以待後之青史氏有採焉。孔子二千四百六十四年十二月除夕。棘人康有爲撰。



哀烈錄卷一
康烈士廣仁傳

康君名有溥。字廣仁。以字行。號幼博。又號大中。南海縣西樵北銀塘鄉人也。高祖輝。號炳堂。舉人。從同邑郎中馮成修講義理之學。從欽州馮魚山編修爲詞章。妙工詩文。講學嶺南。身體力行。弟子千人。爲儒宗。曾祖健生。號雲衢。以布衣任道。治躬尤嚴。非禮不履。守劉戡山人譜之學。履道行仁。鄉人畏而化之。祖登修。號述之。世傳理學。盛德篤行。由舉人歷欽州學正。合浦靈山訓導。教諸生有遺愛。祀于欽州賓興館。連州昭忠祠。三世皆有傳。載南海縣志。父達。初字植謀。號少農。聰警。仁孝。好施。與母病三年。殷勤不倦。少從九江朱京卿次琦游。好學。有遠志。從其叔父廣西巡撫國器督軍于閩廣。草檄謀議有功。爲江西知縣。早卒。廣仁生僅六月耳。母勞太夫人。嚴於禮。守節撫孤。有子二人。長有爲。戊戌受清德宗之知。主持變法者也。幼即廣仁。精悍厲。驚明照銳斷。見事理若區別黑白。勇于任事。洞于察機。善于觀人。達于生死之故。長于治事之條理。嚴于律已。勇于改過。自少卽絕意不事舉業。以爲本國之弱亡。皆由八股銅塞。人才所致。故深惡痛絕之。偶一應試。輒棄去。弱冠後嘗爲小吏于浙。蓋君

哀 烈 錄

少年血氣太剛。偶儻自喜。行事間。或跡弛踰越範圍。南海先生欲裁抑之。故遣入宦場。使之察知世俗之情僞。然後可以收斂其客氣。變化其氣質。增長其識量。爲吏歲餘。嘗委文闈差。保甲差。居西湖之湖心亭。巡警之餘。自樂也。閱歷宦場。旣深。大耻其卑屈。挂冠而歸。自是進德勇猛。氣質大變。視前此若兩人矣。君天才本卓絕。又得賢兄之教。自童弗至壯立。日侍南海先生。未嘗名他師。故于學無不涉。所接皆天下異才。與之薰修。三水何樹齡。易一者。南海門下之奇才也。好學而深思。奇警精闢。縱橫中外。出入天人。十年館于南海家。君與何樹齡爲兄弟之交。同居十年。抵掌對足。窮極論議。故于外中之故。天人之理。亦無不究焉。泊入京。徧友京師名士大夫。而與楊御史深秀最厚。論學最多。覃精名理。故其發論。往往精奇悍銳。出人意料。聞者爲之咋舌變色。然按理勢實無不切當。自棄官以後。經歷更深。學識更加。每與論一事。窮其條理。料其將來。不爽累黍。故南海先生常資爲謀議焉。戊戌春。膠州旅順旣失。南海先生上書痛哭。論國是請改革。君曰。今日在我國而言改革。凡百政事。皆第二著也。若第一著。則當變科舉。廢八股取士之制。使舉國之士。咸棄其頑固謬鄙之學。以

講求實用之學。則天下之人。如瞽者忽開目。恍然于萬國強弱之故。愛國之心自生。人才自出。兄歷年所陳改革之事。皆千條萬緒。彼政府之人。早已望而生畏。故不能行也。今當以全副精神。專注于廢八股之一事。鏗而不捨。或可有成。此關一破。則一切新政之根芽已立矣。蓋當時猶未深知清德宗之聖明。故于改革之事。不敢多所奢望也。及南海先生既。召見鄉會八股之試。既廢。海內志士。額手爲國家慶。君乃曰。士之數。莫多于童年與秀才。幾居全數百分之九十九焉。今但變鄉會試。而不變歲科試。未足以振刷此輩之心。且鄉會試期在三年以後。爲期太緩。此三年中。人事靡常。今必先變童試。歲科試。立刻施行。然後乃與御史宋伯魯謀。抗疏言之。得旨俞允。于是君語南海先生曰。阿兄可以出京矣。我國改革之期。今尙未至。且千年來。行愚民之政。壓抑既久。人才乏絕。今全國之人才。尙不足任全國之事。改革甚難有效。今科舉既變。學堂既開。阿兄宜歸廣東上海。卓如宜歸湖南。（卓如者余之字也。時啟超在湖南時務學堂爲總教習。故云然。）專心教育之事。著書譯書。撰報。激厲士民愛國之心。養成多數實用之才。三年之後。然後可大行改革也。時南海先

哀 烈 錄

生初被遇。感激君恩。不忍舍去。既而后詔閱兵于天津。藉以行廢立事。漸有聞君復語曰。自古無主權不一之國。而能成大事者。今皇上雖天亶睿聖。然無賞罰之權。全國大柄。皆在西后之手。而衆人之猜忌如此。守舊大臣之相嫉如此。何能有成。阿兄速當出京養晦矣。先生曰。孔子之聖。知其不可而爲之。凡人見孺子將入于井。猶思援之。况全國之命乎。况君父之難乎。西后之專橫。舊黨之頑固。皇上非不知之。然皇上猶且舍位忘身以救天下。我忝受知遇。義固不可引身而退也。君復曰。阿兄雖舍身思救之。然于事必不能有益。徒一死耳。死固不足惜。但阿兄生平所志所學。欲發明公理。以救全世界之衆生者。他日之事業正多。責任正重。今尙非死所也。先生曰。生死自有天命。吾十五年前。經華德里築屋之下。飛磚猝墜。掠面而下。面損流血。使是時飛磚斜落半寸。擊于腦則死久矣。天下之境遇。皆華德里飛磚之類也。今日之事雖險。吾亦以飛磚視之。但行吾心之所安而已。他事非所計也。自是君不復敢言。出京。君日夕待南海先生。戊戌奏稿六十餘篇。皆口授。君作草。與君議。先生不在。則君代接賓客。夜共謀議。故戊戌維新之業。君之贊助最。然南海先生每欲有所

陳奏有所興革。君必勸阻之。謂當俟諸十月閱兵以後。若皇上得免于難。然後大舉。未爲晚也。故事。凡皇上有所勅任。有所賜賚。必詣宮門謝恩。賜召見焉。南海先生後奉命爲總理各國事務衙門章京。督辦官報局。又以進呈日本變政考。俄大彼得變政考。突厥削弱記。法國革命記。波蘭分滅記之故。賜金二千兩。皆當謝恩。君獨謂西后及滿洲黨相忌已甚。阿見若屢見皇上。徒增其疑。而速其變。不如勿往。故先生自七月以後。上書漸不多。又不覲見。但上摺謝恩。惟于所進呈之書。言改革之條理而已。皆從君之意也。其料事之明如此。南海先生既決意不出都。俟九月閱兵之役。謀有所救護。而君與譚嗣同任此事最力。初啟起。既奉命督辦譯書。以君久在大同譯書局。諳練此事。欲托君出上海總其成。行有日矣。而德宗待南海先生遇至重。王文韶入樞垣。德宗命曰。汝就見康有爲否。有大事必命問先生。時出摺屬先生擬批。交由軍機大臣裕祿譚嗣同傳遞。有誤發下軍機處者。軍機大臣剛毅以奏于太后。上下遂積疑怒。及七月廿九日。南海先生薦今總統袁入京練兵。時大學士榮祿督直隸。于八月一日調聶士成兵守天津。于初二日調董福祥兵入京。于時八

月朔日京師日闇風沙飛。德宗于初一日發密詔求救。（楊銳之子曾于宣統元年將密詔呈繳）而八月初二日忽奉明詔命南海先生出京。初三日又奉密詔敦促。一日不可留。先生聞上危。欲居京營救。懸闕甚耿耿。君乃曰。阿兄卽行。弟與復生。卓如及諸君力謀之。蓋是時雖知事急。然以爲其發難終在九月。故欲竭蹶死力。有所布置也。是時君與譚嗣同密與俠者大刀王五謀。將以力士入宮負先帝出。投外國使館。以故先生行。而君獨留。遂及于難。其臨大節之不苟。又如此。君明于大道。達于生死。常語余云。吾生三十年見兄弟戚友之年與我相若者。今死去不計其數矣。吾每將已身與彼輩相較。常作已死觀。今之猶在人間。作死而復生觀。故應做之事。卽放胆做去。無所掛礙。無所恐怖也。蓋君之從容就義者。其根柢深厚矣。既被逮之日。與同居二人。程式穀錢用中。同在獄中。皆先生門人也。言笑自若。高歌聲出金石。程錢等固不知密詔及救護之事。然聞令出西后。乃曰。我等必死矣。君厲聲曰。死亦何傷。汝年已二十餘矣。我年已卅十餘矣。不就愈于生數月而死。數歲而死者乎。且一刀而死。不猶愈于抱病歲月而死者乎。特恐我等未必死耳。死則中國之強在此。

矣。死又何傷哉。程曰。君所言甚是。第外國變法。皆前者死。後者繼。今我國新黨甚寡。弱。恐我輩一死。後無繼者也。君曰。八股已廢。人才輩將出矣。何患無繼哉。神氣雍容。臨節終不少變。嗚呼。烈哉。南海先生之學。以仁爲宗旨。君則以義爲宗旨。故其治事也。專明權限。能斷割不妄求人。不妄接人。嚴于辭受。與取有高掌遠躡。擢陷廓清之概。于同時士人大夫之豪俊。皆俛視之。當少時。于粵東碩學陳樹鏞。則視爲迂。于文廷式。則視爲浮。其他類是。無一少當意加敬者。及戊戌游京師。盡交士大夫之豪俊。益歎人才乏絕也。當十六歲時。因惡帖括。故不悅學。父兄責之。卽自抗顏爲童子師。疑其游戲。必不成。始試之。而從之學者。有八九人。端坐課弟子。莊肅儼然。手創學規。嚴整有度。雖極頑橫之童子。戢戢奉法。惟謹如是者二年。自是知其爲治事才。一切家事。營辦督理。皆委焉。其治事如商君法。如孫武令。嚴密縝栗。令出必行。奴僕無不畏之。故事無不舉。少年曾與先生同居一樓。樓前有芭蕉一叢。經秋後敗葉狼藉。先生故有茂對。萬物之心。窓草不除之意。甚愛護之。忽一日失蕉所在。則君所鋤棄也。先生責其不仁。君曰。留此何用。徒亂人意。又一日先生命君檢查屋上舊書。整理之。

哀 烈 錄

以累世爲儒。閣上藏前代帖括甚多。君舉而付之一炬。先生詰責之。君則曰。是區區者。尙不割捨耶。留此物。此樓何時得清淨。此皆君十四五歲時軼事也。雖細端亦可。以驗見其剛斷之氣矣。君事母勞太夫人最孝。非在側則母不歡。母有所煩惱。得君數言。輒怡笑以解。蓋在母側。純爲孺子之容。與接朋輩任事時。若兩人云。君女兄三人。長逸紅。適羅氏。次瓊琚。適游氏。皆寡。次季容。適譚氏。君事之極友愛。次姊家一切倚賴其理。撫甥蘊鳳。尹如其子女教。尹尤嚴。以致成立。今游學于美。成才矣。最深于自知。勇于改過。其事爲己所不能任者。必自白之。不輕許可。及其既任。則以力殉之。有過失。必自知。自言之。而痛改之。蓋光明磊落。肝胆照人焉。君醫嘗慨中國醫學之不講。草菅人命。學醫于美人。嘉約翰三年。遂通泰西醫術。欲以移中國。在滬創醫學堂。草具章程。雖以事未成。而後必行之。蓋君之勇斷。足以廓清國家之積弊。其明察精細。足以經營國家治平之條理。而未能一得藉手。遂殉國以歿。其所辦之事。則澳門創立知新報。發明民政之公理。在上海設大同譯書局。譯日本書。以開民智。在西樵鄉設鄉學校。以泰西政學教授鄉之子弟。先生惡婦女纏足。壬午創不纏足會。而

未成。君卒成之。粵風大移。粵會成。則與敢超推之于滬。集士夫開不纏足大會。君實爲總持。又與同志創女學堂以救婦女之患。行太平之義。于君才未盡十一。亦可以觀其志矣。君雖不喜章句記誦詞章之學。明算工書。書法小歐及米。深雄蒼健。能作篆。嘗爲詩駢散文。然以爲無用。既不求工。亦不存稿。蓋以餘事爲之。故遺文存者無幾。然其言往往發前人所未發。言人所不敢言。蓋南海先生于一切名理。每僅發其端。含蓄而不盡言。君則推波助瀾。窮其究竟。達其極點。故精思偉論。獨多焉。被薦爲懋勤殿行走。將簡川。遂及于難。君蒙難。其太夫人不知。婢媪常見君。夜披母帳者十餘年矣。至太夫人喪。運君柩從葬于西樵山北所。居故鄉名銀塘之後岡。猶多見君之烈魄也。先是君蒙難于柴市。適葬于京城南下窪。庚子京破。運歸。停厝于鏡湖醫院。又十四年。而癸丑冬十一月十六日乃葬。君生于同治丁卯六月十三日。凡三十二歲。君既歿。朋輩將記憶其言語。哀而集之。以傳于後。君既棄浙官。旋改官。候選主事。妻黃娛謹。爲中國女學會倡辦董事。孝友通達。且舌才。持節茹苦無子女。同荷畢業于日本女學。明銳有父風。

哀 烈 錄

梁啟超曰。徐子靖。王容航。常語余云。二康皆絕倫之資。各有所長。不能軒輊。其言雖稍過。然幼博之才。真今日救時之良矣。世人莫不知南海先生。而罕知幼博。蓋爲兄所掩。無足怪也。而先生之好仁。與幼博之持義。適足以相補。故先生之行事。出于幼博。所左右者。爲多焉。六烈士之中。任事之勇猛。性行之篤摯。惟復生與幼博爲最。復生學問之深博。過于幼博。幼博治事之條理。過于復生。兩人之意見。有不同。議論不相下。終日抵掌辨難。然兩人之才。真未易軒輊。嗚呼。今日眼中之人。求如兩君者可復得乎。丁酉戊戌間。幼博居上海督大同譯書局。其入京也。在今春二月。啟超適自湘大病出滬。扶病入京師。應春官試。幼博善醫學。于余之病也。爲之調護。飲食劑醫藥。至是則伴余同北行。遂居京師。而及于難。蓋幼博之入京。本無他事。不過爲余病。余病不死。而幼博死于余之病。余疚何如哉。



哀 烈 錄

哀烈錄卷一

十八

仲姊羅宜人墓誌

人者人道也。聖人者人倫之至也。舊傳三代之下鮮完人。蓋人生于地。傳于種。則有氣稟之偏。有耳目口體。卽有嗜欲之累。夫將縱欲任性。則敗度無恥作奸。用是滔天人道以墜。除夷禽獸。國以不國。胥由是作。此風俗所以宜善教。而傳種所以尙改良也。文王之聖。傳稱其君止仁。爲臣止敬。爲父止慈。爲子止孝。交國人止信。然則聖人者不在事功文學之焜耀。而論其德行倫理之粹美矣。顏子原憲之賢。黃叔度元德秀之德。有何事功。而後人馨慕若是。今有人耶。爲婦止于貞。爲女止于孝。爲母止于慈。爲親止于友。與人交止于信。自有生來與接爲構。未嘗有一失言。未嘗有一失德。豈非爲人倫之極耶。雖聖人乎不敢知。若所謂完人者。其或然耶。若是者。吾仲姊有之。姊姓康氏。名逸紅。字月華。南海縣銀塘鄉人。自其高祖贈廣西布政使舉人輝。曾祖贈福建按察使健生。祖連州訓導舉人贊修。累世以講學躬行傳家。先君知縣公達初。以聰警仁孝之資。受朱九江先生之學。先妣自高祖妣方太夫人。曾祖妣梁太夫人。祖妣陳太恭人。先妣勞太夫人。皆以聖善之資傳種。川篤生吾姊。吾兄弟五人。

哀 烈 錄

伯姊摯最慧。四歲殤。叔妹瓊琚適游。二十八歲寡卒。季妹順適譚。皆靜淑。幼弟爲候選主事。廣仁才鋒。萬厲蒙難于戊戌。若至行循齊。性識明慧。莫如吾仲姊矣。姊逾十齡若成人。十四歲而孤。遂罷讀。替母治家。撫弟妹。部署井井。十七歲。嬪同邑沙塘岸鄉。同知銜羅逢喬。吾同學也。孝謹好學。病腦瘵危。強請婚。姊慨從之。自結褵。訖留。凡十九日。垂涕語姊曰。吾重負卿。卿實女貞。姊且泣。且正色曰。一齊不改。吾事君宗祊。終身以之。祁祁齋潔。恪共先祀。慈撫嗣子。嶷巖玉立。溫克有恭。舅素封。遺產數十巨萬。其兄姒豪侈揮霍盡。姊僅取千金。且以教子娶婦。有勸訟者。終身弗較。和妯娌。敬長老。慈于姓。族黨無不愛之。既寡而母老。數十年事母。能承懽察微。得母心。母非姊侍不懽。母性嚴多怒。得姊解立霽。故舉家凡請事于母。及逢母之怒。欲解必請姊。而姊遇歲時節及舅姑良人忌日。雖大風雨。及遠在港澳。必歸其鄉奉祠。吾避地南洋日本十年。頻請迎母養。而姊以奉祠不遠行。母不忍離姊。不願就養爲此也。待兩妹兩弟。親愛純篤如一體。叔妹與姊耦讀同寢數十年。無有幾微不悅之詞色。幼博生而孤。皆姊與叔妹所提携。及叔妹早寡憂卒。幼博既蒙難。予

亦播亡。震驚高堂。姊摧傷深悼。忍悲抑淚。川慰解。母同謀匿幼博喪者十年。非姊也。何以甯母也。則母也大憂。逝之久矣。叔妹喪後。與吾撫其二女。蘊鳳如女。營蘊嫁事。其視四妹子。女印良昭也。亦然。內外宗戚。親愛摯摯。其有疾病死喪患難。則奔走救助。有故則爲調停和事。排難解紛。有金錢重事。則託之。姊天才卓妙。自然能達于人情。洞于物理。遇事立決。悉得緊竅。發言中節。貌嚴而色霽。音吐朗直。德望既日高。聽者咸悅從。以是族黨無不尊信倚賴之。日月徧至。族黨家聞聲望。影莫不懽迎。有喜而無怒。有懼而無怨。不見則羣思。有病則憂問。人人深得人甚。豈所謂德完符者耶。姊既能爲人任。人亦多求。日與接爲搆。明敏機辨。果決堅定。不思不勉。從容處置。而畢生未嘗有一失言。亦未嘗有一失德。先仲父介繁知縣公。常謂爲才不如姊。蓋爲或剛愎偏隘。多尤多悔。姊則適中人情。故皆相悅解。其臨事應節。技經肯綮。之未嘗。而况有大觚。宜爲之遠不如也。夫姊生有明德。又擅治事才。假爲男子。成就宏大。惜現女身。篤守禮教。不露才揚已。不軼大閑。故不願預世事。視近者放恣縱慾。無恥之自由女。驚怪舌搖。其爲得失果何如也。然姊家既中落。吾以維新變法。遘禍奔

哀 烈 錄

亡。舉家逃移港澳。風聲日戢戢。其女僕阿蓮明慧勤謹。能解姊心者。不幸死。嗣子衍樟。不才早夭。子婦孝謹。繼亡。姊後顧惛惛。乃心傷悲。晝懼夜瘁。神明闔傷。于是乳癰作。姊奉禮嚴謹。不欲示醫。及久病深。百醫罔效。呻吟床褥。迨去秋母喪而益篤。吾奔喪過歸。相對兩月。延醫吾家。終以不治。至今年二月二十五日子時卒。姊生于清咸豐五年五月廿三日。壽六十歲。當病日滋。至彌留。拳拳羅宗曰。吾十七歲守寡奉祀。何爲也哉。必以我歸沙塘岸鄉羅氏之寢室。否則吾目不瞑也。悲哉。姊之志嚴哉。姊之義。吾乃奉姊柩還沙塘岸鄉。而後葬之于丹灶前岡。合葬于其夫墓焉。吾自三歲與姊同嬉。分甘共食。觀劇購書。惟姊是資。姊以事母久寧于家。蓋四十年朝夕相見。花晨月夕相談娛。以懼其親。有事則商其難。有過則規其微。有懼則共其樂。有患則共其憂。惟母惟姊三人相對。一日不見。懷思靡及。怡怡愉愉。蓋五十餘年。今半歲間。母與姊相繼相化。惟吾與妹順。兄弟二人白頭相對。稚女同瑛。日索吾抱。摩耳挽鬚。喃喃誦詩。與諸稚子繞膝弄。乃皆新識。回首前歲。扶母携姊侍食而語。則悲從中來。人間何世哉。嗟夫。今天下之窮奇魍魎。大恣巨啗。伏鉞握符。大恣意氣。語以喜怒生

殺天下。金錢盈溢。姬侍羣列。孫子衆多。而吾姊之才賢。乃現女身。夫死家落。嗣亡婦死。極盡人間之苦。集蓼于一身。或者別有因果耶。抑成就一完人。天故艱難之以試其才行耶。是未可知也。孔子二千四百六十五年甲寅三月二十八日。其同產弟康有爲葬之。買石誌其墓銘之曰。懋懋。玉凡。竹筠有節。凌寒暑。是壟也。藏完人貞孝才明之康逸紅女士也。



哀 烈 錄

署四川民政長陳廷傑請恤六烈士呈

竊聞河山不改。毓英俊於坤靈。星日常昭。耀網維於人紀。在昔成仁取義。豈希身後之名。晚近激薄勵澆。所貴先民有作。蘭當門而必翦。時勢如斯。巢既覆以難全。倉皇殞謝。與臧洪同日死。慨李牧不並時。一則重其節也。一則悲其遇也。所賴式廬表墓。鑒此孤懷。立懦廉頑。垂爲令則。察來彰往。復乎尙已。伏念吾國推行新政。肇自前清。戊戌規模未宏。雷霆倏遘。當世明達之士。咸憂補救無從。棟折榱崩。濤驚血碧。如譚嗣同林旭楊深秀康廣仁劉光第楊銳諸賢。良可悲矣。然望之直節。雖抱痛於園扉。而敬輿手疏。方見崇於異代。劍磨愈淬。蘭蕪愈馨。招湘浦之魂。不獨長沙詞賦。封比干之墓。導楊姬室。風規樹之準。緇厥施廣矣。故如譚嗣同則宏規茂識。學成一家。林旭則英年偉抱。矜式羣倫。楊深秀則風節侃侃。持論不阿。康廣仁則沈毅堅貞。闡崇道範。而劉光第楊銳又皆蜀人也。一則風格峻整。懿乎其純。一則姿度劭茂。曠然不滓。天衢騁步。騏驥之德同稱。衆正盈朝。夔龍之才各樹。愴然摧折。久要不忘。卓爾令聞。尙論其世。不特里仁爲美。續國志於道將。自必好善同心。思九京之隨會。是以父

哀

烈

錄

老談而涕泣。後進仰其丰裁。鄰笛聲悲。痛念黃墟之酒。里春不相。淒涼六月之霜。望重斗山。窵銜石闕。假使諸賢尙在。爲德不孤。紫衣變夫齊風。善謳聞於河右。異材蔚起。松柏同其後彫。衆志必孚。芝蘭化於入室。韜軒所至。旌旄所招。固將蒲輪以聘。申公築台以師。鄂隗廷傑履道無聞。坊民乏術。思橫流之欲。挽正氣宜伸。當羣言之易。淆前修可法。愧無健筆。爲書有道之碑。仰冀寵光。一新表忠之觀。茲謹將四川前清故紳劉光第楊銳事實造冊具呈。擬懇大總統俯賜鑒核。并分令湖南福建山西廣東民政長將譚嗣同林旭楊深秀康廣仁各事實清冊造呈。一併交部從優獎卹。特予表揚。以昭激勸。除分呈國務院內務部外。是否有當。理合具文呈請察核施行。此呈

批據呈已悉。立國大經。首培元氣。式廬封墓。自昔爲然。所呈四川前清故紳楊銳劉光第事實清冊。詳加披閱。慨慕良深。自應特闡幽光。用彰先烈。交內務部從優獎卹。以昭激勸。并由該部分令湖南福建山西廣東各省民政長。迅卽造具譚嗣同林旭楊深秀康廣仁各事實清冊。並予矜恤。用示崇德報功之意。此批

哀 烈 錄

文卷二

勞太夫人移柩還葬鄉告祭文

康有爲

孔子二千四百六十四年癸丑十一月十四日男康有爲始得奉移

顯妣勞太夫人靈柩將歸葬于鄉陳牲醴庶羞撫棺哭踊而祭之曰。惟不孝男辭

母二年往者歸港則大喜見。母今者歸港不得見吾。母之面不得聞吾。

母之聲而僅撫吾。母之柩嗚呼吾。母日夕倚闥而思不孝男爲冬夏以來日

日言歸而不歸不得潔羞髓不得侍湯藥乃至不得視含殮乃至不得慎衣衾。

而惟得見棺槨嗚呼。不孝男出亡十六年僅得五奉色笑爲時乃不及十六月。

嗚呼。不孝男累。母去鄉十六年思鄉十六年日夕思望不得歸鄉至今乃僅

以遺魂墜魄還鄉嗚呼吾弟遭難十六年悲痛慘毒秘不告吾。母吾。母日

夕思見弟之身今乃得以兩棺同奠於舟中母子相遇以魂嗚呼。不孝男負大

罪固宜受此酷何以吾

母之淑貞莊懿非禮不履而遭天之酷若此耶嗚呼哀哉尙

饗

哀烈錄卷二

廿四

亡弟幼博烈士移柩還鄉告祭文

康有爲

孔子二千四百六十四年癸丑十一月十四日伯兄有爲乃得移葬吾
亡弟清朝候選主事幼博烈士之靈柩。陳牲醴庶羞泣血哭踊撫而祭之曰。嗚
呼。惟吾弟生而孤。吾受先君遺命。撫弟十六年。而弟能英挺自立。吾乃大喜。
自後吾與弟論學術。議政事。晨夕緯繡。風雨對床者。又十六年。弟能颺舉。寔斷
吾則大樂。自戊戌北京南海館與弟夜別。弟蒙冤慘戮。德宗升遐。朝市變
易。亡人久遁。凡歷十六年。今乃得撫吾弟之柩。吾安得不大痛而崩摧也。弟懷
雄絕之才。雷霆之力。而不得少施。遭牡駟。遭來網。蒙莫須有之冤。致慘痛之戮。
而十六年中。易主移朝。未有雪其冤而恤其慘。古今賢豪。遭遇之慘。殆無若弟。
者。若乃寡見乎。醋毒肝肺。懷哀抱痛。既乏弟之匡逮扶持。更累弟以大戮奇痛。
又深諱不敢告。母隱匿不能告汝妻子。不能奉汝神靈于家。不能葬埋汝棺
槨于鄉。惟有號泣于天。淚下如縻而已。今母溘然棄予。有見汝侍母而手扶。

哀 烈 錄

之者。然則吾之深痛而大悲者。弟遇母于地下。而反得所侍奉也。嗚呼哀哉。尙

饗

幼博烈士祠廟告 祖文

康有爲

孔子二千四百六十四年。癸丑十一月十六日。伯兄有爲以亡弟

清朝候選主事幼博烈士祠祀于

祖陳牲醴庶羞而祭之曰。嗚呼。浩氣還乎太虛。遺烈騰于青史。遘難遭閔。歷劫備

厄。凡十有六年。始得升祠于

祖。載見

顯考昭穆有序。苾分酒醴。肥饗牲黍。有始有卒。永嗣後古。惟爾有神。其歆其祐。尙饗。

久亡還鄉祭先廟告 祖文

康有爲

惟

孔子二千四百六十四年。癸丑十一月十七日。末孫康有爲。乃得以牲醴庶羞。祭于列祖之靈。曰。嗚呼。惟爾末孫。遭閔蒙難。身經十死。不圖生還。惟爾末孫。異國奔亡。三周大地。復還故鄉。惟爾末孫。大劫躬歷。十有六年。朝市變易。惟爾末孫。謬思救國。冀贊維新。幾戮老弱。掘我先塋。封我廟諭。邈十八年。莫親獻爵。天道茫茫。若有知。人道憂患。多傷離。遵行門阼。仰瞻楸。楣。醴。清。稻。芳。羞。珍。膾。肥。惟吾列祖。靈其鑒之。櫛燎蒸光。明靈達鬻。昭穆列序。妣考臨上。載歆載寧。祐予末孫。無喪。尙饗。

久亡還鄉祭告先墓文

康有爲

惟

孔子二千四百六十四年。癸丑十一月十七日。末孫康有爲。乃得以牲醴庶羞。于列祖之墓而祭之。曰。嗚呼。予小子獲罪。不撫松楸者。十有八年矣。惟我國危莫救。惟我家難是疚。惟我

先墓莫汎掃。朝市變。人艮易。大劫遭。今重省馬鬣。陳牲奠酒。感惕惕于予心。神明是

哀 烈 錄

牖。惟我祖之靈其鑒之。尙
饗。

祭仲姊羅宜人文

康有爲

惟

孔子二千四百六十五年。歲在甲寅。二月廿六日。弟康有爲謹以清酒庶饌陳于
仲姊羅宜人之柩前而祭之曰。嗚呼。吾五十年之兄弟。遂永訣于昨昔矣。吾至親賢
之女兒。遂永永送別于今夕矣。曠昔之夕。吾遞魚翅鵲蟹于姊口中。姊尙能一一
食。今則陳饋大小八簋。而姊不能視識矣。嗚呼。痛哉。惟

姊笄而守貞。年僅十七。墻病瘵危。結縵從吉。夫言負汝。流涕相質。誓言與齊。終身
無失。嫁十九日。良人遽卒。女貞分明。上指天日。茹苦飲冰。有生莫極。祁祁奉祠。
齋事先德。莊嚴明節。玉立溫克。撫教嗣子。冠爲納室。前歲同逝。哀苦誰識。病于吾
家。思還其宅。彌留拳拳。羅宗是格。沙塘岸鄉。縈魂奠魄。此姊之貞慈也。惟
姊事母至孝。體微入神。載色載笑。母爲霽噴。非姊不懽。凡六十年。此

哀 烈 錄

哀烈錄卷二

廿八

姊之純孝也。惟

姊至性。友愛弟姪。女妹諸甥。內外宗戚。式教式助。爲羽爲翼。解紛排難。親戚是力。莫不懷德。聞喪痛詣。此

姊之友惠也。惟

姊受舅遺產。凡數十萬。鏹黍不較。伯兮揮散。畢生苦節。從容無怨。此

姊之廉讓也。惟

姊受天命德。明慧過羣。遇事立決。臨財讓分。戚族內外。無一失言。生平百年。失德無聞。實爲女宗。可稱完人。此

姊之盛德也。惟吾與

姊童共遊嬉。長彌摯愛。四十歲前。居幸長見。自吾奔亡。驚憂病痼。吾念

姊寡。憂憐如痲。

姊慈吾躬。撫切相載。吾過則規其微。商事則會其最。假

姊爲男子。其助吾甚大。自子婦之偕亡。遂病乳以三歲。幸適歸。以侍疾。得兩月之相

哀 烈 錄

對。躬。煑。藥。而。燃。鬚。親。弄。羹。而。拾。碎。哀。宵。且。吟。于。床。褥。欣。舉。事。母。而。無。累。遂。怛。化。于。人。天。灑。永。悲。于。涕。淚。昔。且。夢。母。默。坐。愁。予。告。予。不。祥。姊。遂。夕。殂。

姊。今。侍。母。地。下。愉。愉。有。弟。幼。博。有。妹。瓊。琚。母。增。

姊。侍。娛。親。不。孤。海。明。之。船。昔。載。母。輶。而。與。姊。携。扶。今。三。月。復。載。

姊。靈。惟。撫。棺。而。長。號。樵。雲。邈。邈。海。浪。滔。滔。世。亂。未。已。塗。路。艱。虞。送。姊。永。已。在。今。數。刻。乎。痛。崩。肝。肺。高。天。莫。呼。陳。饋。八。珍。旨。酒。嘉。蔬。惟。

姊。靈。之。來。歆。猶。對。酌。于。平。居。嗚。呼。哀。哉。尙。

饗。

祭勞太夫人文

陳昭常 吉林都督前清
翰林吉林巡撫

惟

孔子二千四百六十四年。仲冬。世愚姪陳昭常謹致祭于

康老伯母勞太夫人之靈曰。大火流坤。圓精舛魄。五父嶢墳。四德沈跡。嗚呼。哀哉。繫

惟

母範。永奕徽音。義方川流。慈誨淵深。正繩比木。危柱方琴。春暉曄曜。冬日溫愔。維鳳鳴岡。柔條成棟。尼山契徽。軒絲寤夢。烈烈取義。巖巖厥仲。擇鄰有嚴。彰鄒斯重。哲嗣承訓。轉晦於明。日中麟門。宿弋冥鴻。轍迴塗阪。轡折澄清。伐檀霰急。遵海雲停。艱蒙其子。賢宣滂母。險夷同節。天人靡咎。珮有鳴璜。鬯無旋酒。勳茲震男。用匡陽九。陰霾聿霽。大蘇漸融。極星期壽。神婺奄空。銀塘涸液。香海回風。弔陶來鶴。歸魯悲封。嗚呼哀哉。彤管輝遙。寒泉思越。纏紵追歆。登堂何謁。嗚呼哀哉。伏惟尙饗。

祭勞太夫人文

許作韶

維

孔子二千四百六十四年孟冬之月。小門生許作韶謹

以香燭之儀奠于

康太師母勞氏太夫人之靈前曰。嗚呼哀哉已矣。人生至死。夫復何言。惟自達天者

觀之。則生者死之本也。死者生之源也。似又有可言之故在。嗚呼哀哉。哭思我
太師母生平大節大悲。善養善教。熙熙兮我衆生見之。如登春台也。蓋南海大士。現
女人身而爲說法。以慈悲觀世者也。胡爲乎天。旣豐其年。以八十天。又吝其壽。
而不百年。此缺陷之難平。實衆生之增痛。嗚呼哀哉。

豈天之眞不仁哉。人旣困入於血月之內。旣不能超出於塵氛之外。况中華有
萬年長祀之聖母。西方無千年長生之佛母。死而不死。不生而生。我師教孝。首
在顯親。義更重魂。矧我

太師母尤神之爲靈。昭昭者。嗚呼。白雲在天。明月照。人仰

太師母之德。彤管不足以盡其馨香。景我

太師母之福。紫誥不足以擬其輝煌。思之思之。惟能爲我師也。母者。而後能爲我衆
也。母我

太師母豈非南海大士現女人身而爲衆生說法者耶。今一朝見背。失所歸依。能不
悲哉。嗚呼。

尙饗。

追悼康烈士幼博文

曹毅

嗚呼中國之維新兮。現曇花於戊戌。發源於

南海先生兮。仰 迺兄之倡率。丕變法於百日兮。伏 我公之贊述。倡立憲而傾專制兮。民權伸而君權失。此無形之革命兮。固西后之所嫉。德宗愛民而被幽兮。矧 黨人之宥密。溯 六君於柴市兮。痛奇冤之莫匹。竭江河以爲涕泗兮。亘千秋而汨汨。使 迺兄而忍民兮。懷異寶而潛逸。或同塵以干祿兮。儘蠱騰之顯秩。或貨殖而杼才兮。固陶朱之嘉吉。彼不忍爲獨善兮。乃揮戈而返日。共斯民於飢溺兮。雖九死而心一。捨身家而叩帝闈兮。冀圖強之卷帙。滿歷古之國毒兮。冒九重之斧鑕。掃雷雨以復青天兮。提日月而突出神州。其大放光明兮。痛 先生之慘銜。使 先生而驚駘兮。抑韜光於闈室。將大年而逍遙兮。夫何顏子之天卒。從古奇才之天妬兮。君豈疑其未必。惟達人之大觀兮。等死生於塵粟。苟能出民於水火兮。甘鼎饒於飴蜜。憶 我公之偉論兮。倡八股之罷黜。育英才於實學兮。作彌留之仙朮。國

哀 烈 錄

不亡而待強兮。感 先生之萌茁傷 迺兄之逋亡兮。歷百國以馳軼。沐甚雨而櫛疾風兮。十六祀之蕭瑟。東舍衛而西羅馬兮。窮教宗與霸術。既觀風而問俗兮。更潛心夫物質。上王公而下黎庶兮。肆旁皇而究詰。何勞瘁而栖栖兮。豈愛劬而惡佚。曰吾民之倒懸兮。固 迺兄之所卹思 我公之昆弟兮。胸熱血而騰溢。廣慈航以普渡兮。措元元於安謐。因流血而破家兮。慘沉寃之莫恤。痛 萱堂之登遐兮。適 迺兄之寢疾。居東洋而不克視殮兮。天慘慘而迴颺。公在天而悲迎 母兮。早崩心而悼恍。思百年無不壞之軀殼兮。公何悲而涕滂。公與母其登天國兮。啜瓊漿于太乙。哀蒼生之號泣兮。泛中流而駭颺。公靈鑒於清虛兮。將降世而匡弼。表哀慕於寸中兮。對孤檠而秉筆。惟公諒其不文兮。勿嗤汲深之短絀。嗚呼哀哉我公之長逝兮。悼詞盡而情難畢。

大總統來電第一

轉須磨別莊康長素先生鑒。去國廿年。困心衡慮。大者發抒。政見足爲薄俗針砭。欽仰無似。凡河汾弟子。京洛故人均言先生不願從政。而有意主持名教。舉國想望風

采但祈還輿祖國絕不敢強以所難敬具蒲輪鵠候明教何日稅駕渴盼德音袁世凱東

覆總統電

哀
北京袁大總統鑒亡人負罪久播異域有母八十莫奉尸喪遂竟見背永惟哀悼崩摧肝肺過承厚賻感刻不任匍匐奔喪未及言謝除次得門人梁啟超電轉述尊意拳拳故人歸國則待以特殊之上位還鄉則代籌警備之不週昨抵香港又接日本須磨寄來東京使館轉明公冬電隆文稠疊辱以蒲輪召還蘇武同其去國之久愧非箕子本無陳疇之才斬焉衰經不入公門母死謂何敢有他志加兩世之先塋被掘廿年之遺骨須收痛絕撫棺兼陳新舊悽涼營葬難返鄉閭重以寡姊六十病乳三年沉綿床褥奄奄朝夕是以魂魄飛越豈知人世固無心預聞政治罔補涓埃末末山北首燕路上承明問伏望明公幸爲矜憐若夫大教淪胥人心陷溺則中國可亡而種族隨之實爲遠古所無之變同于金甲無避之義他日誓墓餘生未忘扶持大教足迹所至托于徇鐸尊聖衛道想公同心冀公援手稽顙鳴謝有爲叩文

大總統第二電

廣州龍都督李民政長飭送康長素先生鑒廿年契闊懷想匪任每讀大著救世苦心昭然若揭賢者有益人國於茲確信比大難粗平百廢待興方思與天下之才具天下之事洛社故人河汾子弟咸占堯進宏濟艱難憂國如公寧容獨善企盼戾止論道匡時敬具蒲輪以俟君子袁世凱文印

覆總統電

北京袁大總統鑒曾覆文電想達記室頃由龍都督李民政長轉到卽日文電懇懇拳念垂存故人仰見明公搜岩訪獻求治之盛心鄙人何以當之熒熒在疚伏自惟念得罪久亡重遇變革致令餘老母倚闥盈盈絕望不孝之罪上通於天頃歸省遺澤觸處崩痛執杯圈而慟哭撫几筵而隕心物在人亡形存神悴加割瘡未愈衰病侵羸寡姊病危奄在且暮幸曲賜惠憐亦明公教孝之義或補清化垂涕感叩有爲

大總統第三電

康長素先生鑒昨奉復電既觀望于高蹈益感歎于純孝奪情之舉固非敢施于守禮君子邈世之行又豈所望於愛國仁人所望葬祭粗完旌車仍戾發摠偉抱矜式

國人比者大教凌夷橫流在日間俗覘國動魄驚心匪有大哲孰爲脩明執事毅然以此自任其于正人心培國本之功又豈今之從政者所可擬綿力所逮敬當共贊霜風漸厲諸惟節哀爲道自重袁世凱號印

覆總統電

袁大總統鑒強學舊遊相望垂白記室騎兵庶范雲之善謔訪澤加腹存嚴陵之故人問道求言三徵未已猥以銜恤莫酬隆禮情豈忘于憂國而創深巨于思親不呼喪門幸惟垂憫承許翼教相助拯救人心感不去懷中國猶有望耶昔沛公草創入魯而禮太牢漢宗尊聖登堂而躬下拜頃歲俎豆停廢絃誦斷絕人無尊信手足無措四維不張國滅可憂伏望明公親拜文廟或就祈年殿尊聖配天令所在長吏存秋朔望拜謁禮聖下有司議令學校讀經必可厚風化正人心區區迂愚竊川報禮幸裁察康有爲叩瑛

廣東都督龍濟光鎮撫使龍覲光民政長李開仇來電

康南海先生鑒廿年傾仰木遂瞻依聞公奉諱返港職守攸羈未克躬親奠唁深抱

歎忱伏冀節宣爲國珍重。粵丁破壞之後。政治紛如亂絲。亟盼大施造返指示。一切軍民無異同切歡迎。臨電無任翹企之至。龍濟光觀光李開沅叩元印

覆電

廣州龍都督龍鎮撫使李民政長鑒。棘人久越異域。老母八十不奉朝夕。於今見膏痛惻。肝肺頓匍匐奔喪奉賜元電。過承垂唁。感何可任。再辱嘉招。並荷虛訪。三公爲政優優。吾鄉倚仰尤復垂探。竊冀豈敢自隱。他日奉喪期間。或能造訪。崇轅今方營葬。行止未決。先謝盛意。祇候動祺。康有爲稽顙

唁書

顧璜前通政使

南海先生素鑿棘人奉母諱。衰經中接訃牘。驚聞母賢太夫人棄養。噩耗吞暉寸草。恨抱終天。以棘人涕隕杯棬。知先生哀痛不能已也。顧念先生名滿海內外。所以顯揚報鞠育之恩。與夫國人稱願。均有出於尋常萬萬者。天上人間。定無遺憾。且先生以衛道之躬。關繫天下後世。綦重。寧可不念哀母過毀之言乎。寄上江綢挽幛一端。敬希鑒懇。順訊孝履。

唁書

熊希齡國務總理

南海先生閣下。遠辱訃書。驚聆凶問。伏念

尊太夫人幼嫻女訓。長著閨儀。俎豆莘莘。擇里而陶孟子。忠義凜凜。倚闥而勗王孫。既上壽之遐躋。應考終而叶令。閣下孝行天成。彝倫攸繫。虞繇在下。篤終身孺慕之懷。蘇武留胡。嬰老母終堂之痛。呼天搶地。如聞大哀。孝子仁人。自根至性。惟是民邦初奠。時事多艱。強鄰覬覦。誇中國之有人。天下望公。恐斯人之不出。願閣下念守身之爲孝。稍抑哀思。勉爲國以奪情。共圖宏濟。薤歌迭聽。深乖執紼之思。素帛遙輸。聊致東蜀之敬。謹附呈祭軸一方。尙乞展存。懸諸靈幕。聿著鄙忱。當此奉唁。敬頌 安



輓詩卷三

癸丑十一月侍 南海師還鄉祭葬

周鏞鳴

太師舟遊 先生七檜園讀書澹如樓下松竹蕭森集龔定戶得詩六首

太宙東南久寂寥。談經門祚巖峩。百年綦轍低徊遍。劍氣簫心一例消。
孔壁微茫墜緒窮。著書先成不朽功。導河積石歸東海。一睨人才海內空。
天姥峰沈落照。問他生重見艱。復艱君恩穀向漁樵。說淚漬鱉魚死不乾。
揮手東華事可哀。思量一日覺徘徊。十年松竹誰留守。記取先生親手栽。
吟罷江山氣不靈。不如放眼入青冥。先生宦後雄談滅。詩格摹唐字有稜。
閱歷名場萬態更。更何方法遣今生。安排寫集三千卷。一脉微言我敬承。
幼博先生歸葬西樵哭送

鄒崖何藻翔

甲午進士前
清外部郎中

廿載歸元涕。淚新重逢丁鶴語。酸辛令名壽考寧。兼得一掌江河未易埋。燕市有魂
歸故國橋陵無路哭。遺民梁節庵約十六日赴梁格莊不克行宋何菊屋有哭橋陵詩撫棺不盡滄桑感。長慟西川揚舍

人叔嶠死後屢夢見之康女公子入都之夕盍見其叔亦可異矣

哀 烈 錄

哀烈錄卷三

二

輓幼博烈士

張 溥

黨禍初開日。天南第一人。輕身成法相。巨眼論維新。一死千秋定。羣生十字仁。只今南效路。行道亦沾巾。

萬里辭鄉國。歸來負壽萱。餘生談虎阱。慘禍慟鴛原。夷蕨應齊曜。湘纍並覆冤。繁霜訶乍歇。初穎憶同根。

九廟看同盡。顛危念昔賢。衣冠淪漢族。風雪記堯年。帝網傳羅馬。民謠感蜀鵲。攀髯齋素志。毅魄戀幽燕。

雲霧龍蛇盡。今無此逸才。英旂招薊水。慈馭共泉台。草露韶光動。冰泉淑景開。故鄉城郭近。化鶴有餘哀。

哀幼博烈士呈南海先生七古并序

香山何雲衢

南海先生者。系出藍田。名留青史。當清室末葉。銳意維新。先生以機雲入雒之年。同謀伐敵。弟子以賀喜窮經之日。共拜爲郎。遊戲金門。傳呼宣室。少年白袷。貴者黃衣。魚水交歡。赤鳥甚樂。此固二百八年之朝政。絕大轉機。一十六國之強胡。相爲注目。

哀 烈 錄

者也。而乃朝野士夫。情膠柱瑟。宮闈骨肉。變起堯城。上書既泣。乎賈生。背議徒訾乎。汲尉。回天無力。救弟難言。竄身荆棘之林。亡命戎夷之域。望賜環而不見。溯贈策以。何年。子胥之窮蹙。奔吳。楚王奚酷。孟博之啼歎。詔獄黨禍安辭。爰將漁父之謳吟。當作名賢之啟事。正禮之龍角方矯。已享一雌。釋奴之驥足空羣。難驂兩駿。僕也逍遙。作賦。散誕興歌。讀陸宣公奏議之文。最稱宏博。觀白太傅醉吟諸什。早仰時名。豈必。吳海獨來。始悲五噫。人琴俱杳。乃嘆二難。思悲翁兮聽鼓鏡。過山陽兮聞鄰笛。畫堂。客滿。金谷詩豪。非關思舊之情。聊寄詠懷之意云爾。

伏龍高臥。今先生東南豪。俊皆知名。長明家世承恩寵。鳳樓待詔雙飛鳴。竭來帝鄉折右臂。夢寒被冷如姜肱。借問才人何所苦。云是先朝黨禍興。當時物望推南海。赤烏臣主驚千載。策上長安屢見收。廷議輒下公卿改。忽傳母后復臨朝。鈞黨幾人受菹醢。至尊宵旰未分憂。移宮釀禍誠貽悔。君王猶幸錫殊恩。夜半書馳出國門。倒墮犍牛幾失脚。啄人始免識烏鳶。此時老臣都詔獄。鳩鵲新辭遑敢論。瀚海黃沙迷夾日。間關絕塞泣忠魂。先生熱然心如搗。口讀檄文武壘。討豈有忠良盡慘屠。依

然家國稱有道。烈士忠孝能兩全。靈運捨來髭鬚好。數峰閣上墳未荒。徘徊躑躅
堪嗟悼。十餘年來黨綱終。三君八俊相追從。煽亂黃巾再爲禍。安車就聘推高風。
先生獨抱遺民意。嚴陵未拜光武中。嶺表回來雖已晚。錦囊佳句猶稱雄。自言纒絰
仍憂服。原壤歌罷愁登木。又言頃姊病胡牀。更衣屏騎從推鹿。馬鬣封高繫玉棺。青
鳥書傳看天目。營邱反葬吾弟難。魂氣歸來悲骨肉。丈夫川世羞爲犧。儒林道學無
人知。弟子任公雄且偉。布衣特達儀三和。最工翰墨嫺吟詠。案頭寫我金焦詩。坊間
賈人好市駿。戊戌奏本爭居奇。杜密還家李膺死。延熹萬事心傷悲。嗚呼吾聞二陸
當年齊入雒。交章薦剡歌聲作。蜚語密謀有奸人。潢池弄甲虛空鑿。上追黨藉窮主
名。下詆文章嗤黷效。盡道鴛原成斷臺。賸觚紀聞不忍畧。漂零十載偶然存。老母妻
孥不相約。祇今歷歷似平生。銅駝荆棘知何託。勝國山河亦已亡。殘編剩稿復茫茫。
兩朝諫草孤忠在。一卷長吟舊恨長。詎爲是非留史策。却因親義斷肝腸。路人猶說
六君子。遙指前村是北邙。

輓康烈士幼博先生

陳清源

哀 烈 錄

戊戌黨禍慘無比。一日駢死六君子。盛名蔚顧一網盡。傑出尤數康烈士。烈士。矯矯人中豪。少賦異質。陵其曹。讀書一目十行。下驚人。雄辨滔滔。清政不綱。主權喪中。原土地日割讓。歐風美雨四面來。弱肉強食。誰敢抗。救亡無如變法先。煙箴倡和。遐邇傳。陳詞前席。盡採納。佇言國勢興。浮焉。城狐社鼠。憑藉久。爲恐失勢。爭鬪。搥。畫語中傷。大獄興。折脅摺齒。遭毒手。鉅鎗西市。秋風酸。血衣。屍不忍看。手澤遺物。寄海外。長公涕淚摧心肝。出亡異域十餘載。形影相弔。難爲歡。人之云亡。邦國瘁。海內從此益多事。天命已去。孰挽回。土崩瓦解。嗟何易。碧血沈埋。氣不磨。忍見荆棘。悲銅駝。滄海桑田。一炊黍。暴民現。爾徒稱戈。憶從京國識君面。才氣無雙。邁羣彥。每談國恥。背欲裂。譬如洪鐘。目如電。辱承獎節。許同調。非才何幸。附狂狷。遠傳凶問。豈忍聞。天日無光。風雲變。招魂歸葬。瀟岡阡。釣遊舊地。堪流連。長留一片空淨土。空山草木號風雨。

輓康幼博先生

周杜若

桂酒椒漿奈國殤。觥觥一死繫興亡。冤埋三字千秋獄。讒構羣妖六月霜。碧血化。燐

哀烈錄卷三

五

哀 烈 錄

哀烈錄卷三

六

飛。菜。市。素。車。如。水。湧。銀。塘。傷。心。最。是。寥。天。客。欲。寫。哀。詞。屢。斷。腸。
六。烈。沉。寃。君。最。悲。零。蘭。無。淚。哭。湘。纍。梓。鄉。鷄。犬。驚。風。雨。花。埭。田。園。穴。鼠。狸。珠。海。怒。濤。
聲。哽。咽。萱。堂。秋。草。夢。迷。離。男。兒。一。死。何。當。惜。悵。望。神。州。涕。泗。洟。

輓幼博烈士

祁傑

日。黯。雲。沉。幾。歷。年。梵。經。曾。咒。普。陀。天。千。秋。碧。血。幽。燕。市。一。勺。寒。泉。珠。海。邊。烈。塚。終。依。
慈。母。去。忠。魂。長。慟。故。君。憐。好。將。戊。戌。啣。寃。錄。留。待。龍。門。信。史。編。

輓幼博烈士

羅鏡

故。國。山。河。已。劫。灰。間。關。負。骨。始。歸。來。奸。雄。竊。柄。東。林。綱。身。首。蒙。寃。北。市。哀。抗。志。同。人。
遭。戮。辱。孤。忠。人。地。免。疑。猜。門。牆。夙。屬。認。原。面。溼。灑。珠。江。酒。一。杯。

輓康母勞太夫人

梅縣廖道傳

回。頭。范。母。悲。忻。事。仲。博。云。亡。孟。博。存。萬。里。波。濤。雲。外。岬。廿。年。血。淚。鏡。中。痕。海。濱。薇。藟。
餘。甘。足。雪。後。松。筠。勁。節。蟠。哀。甚。華。夷。傳。喧。遍。宣。文。經。訓。未。堪。論。

輓幼博先生

梅縣廖道傳

哀 烈 錄

十六年忠骨新從薨葬歸。阿兄腸更痛。慈母穴終依。菜市千秋限。桑田一代非。九原杜鵑血。長向故君揮。

輓烈士康主事幼博先生自鏡湖移葬四首

曹毅

莽莽神州竟陸沉。邊陲牧馬日駸駸。蛾眉髮疾悲終古。馬革屍歸慘至今。菜市久埋黨綱獄。鏡湖誰誦楚些音。破家流血維新始。長使英雄涕淚吟。

怕憶棠君見父情。同胞永訣別燕京。昭關一夜鬚眉白。楚市三期忠義阮。靈覺在天。哀認母呼號終日慘。爲兒有生自謂誰。無死爲國捐軀死。亦生。

人間駐足比顏回。姓字蠡傳一例推。木有文章偏斲伐。心無生死自風雷。溷擊早入嗟塵劫。國粹全拋惜世乖。記得知新書局會。詎圖隻履蹈天涯。

六君同日慘遭烹。神鬼天龍盡不平。千古鋤英傷社屋。一人遭毒會駝荆。圖強忍道曇花幻。守舊終教蝸角爭。太息于今民國立。漂搖風雨破舟橫。

康幼博烈士歸葬感賦

番禺鄧慶時

好花留得與人看。烈士這句看到君歸淚未乾。悼逝思存無恨感。程子良師嘗與烈士同獄今夜尙留滯北京相別數載矣

哀 烈 錄

哀烈錄卷三

來風雨又驚寒。

八

輓康烈士幼博

後學陳鳴韶

太息清流禍。奇冤海內聞。淒涼燕市月。艷慘嶺南雲。取義成千古。流芳友五君。脊令尤抱痛。忍淚徧徵文。

其二

慈母憐予季。銜悲幾歷春。殲良成恨事。流血爲斯民。忍見吳爲沼。何妨骨化塵。承歡依地下。回首倍傷神。

輓康烈士幼博

葉敬民

滄桑世事本難倫。大道盈謙理固存。賈誼懷才悲壯志。屈原遺恨弔英魂。十年白骨封新塚。異代蜚聲雪宿冤。回憶燕京當日事。青衫點點漬啼痕。

幼博主政大烈士

三十二鄉衆紳董公輓

漢唐呂武古貽憂。時會生逢涕欲流。禍伏宮闈悲主辱。詔遵衣帶輔兄謀。百年定論見丹悃。一死含冤負黑頭。宗社卒移誰識咎。烈魂終絕恨悠悠。

哀 烈 錄

今朝歸骨慰同人。屈指沉埋十六春。不朽大名光宇宙。永留浩氣壯鄉鄰。忠成于孝清無滓。死亦如生赫有神。最慨中華非昔比。保皇事業更誰論。

輓幼博烈士

許作韶金縷曲填詞

天下奇男子。算先生爲難弟。死爲烈士。嶺海風流今已矣。祇有銀橋月起。弔不斷無情西水。嘆並世奇才人少。恨悠悠。一鞠英雄淚。都洒向斜陽裏。奇人未必招天忌。值中原乾坤將毀。拚新血史。容爲蒼生謀幸福。成敗又干甚事。萬丈光芒留正氣。汗漫館不堪回首。望樵山人難再得。傷心何似。好料理遺文字。

康幼博師叔烈士以戊戌變法流血京師柴市今負骨歸葬樵山矣

南海先生徵詩及門尤非尋常悼亡可比擬謹撰古體詩四十五韻哀以弔之
烈士康幼博。高義干雲竹。南海同母弟。孝友天性篤。聞君天才高。跡弛邁流俗。文章競百家。沉浸而醲郁。治事有條理。明察若照燭。郭解少精悍。程顥壯淵穆。又歷名宦場。十年養氣足。佐兄變新法。愛國心馳逐。國事任艱難。奔走多忙碌。一辦知新報。開通民智速。又譯日本書。滬館繹書局。開會禁纏足。大力君手續。中醫多不學。靈素無

哀 烈 錄

哀烈錄卷三

十

人讀。學醫嘉約翰。兼通泰西術。醫學思改良。滬創醫學塾。偉哉戊戌歲。變法驚大陸。德宗真愛才。群賢集輦轂。懋勤十參政。君實任啟沃。首議廢科舉。名論驚耆宿。抗疏大力爭。一掃帖括毒。百度慶維新。萬國同欽服。如何天不祚。國事多反覆。大索誅黨人。維新百日促。牝后出垂簾。聖主遭囚獄。阿兄詔出京。乃弟留受戮。得年三十二。就義飛血肉。慘哉六君子。中外同一哭。廢主九廟驚。國賊有榮祿。天地慘風雲。日月忽隱伏。蕭蕭易水波。柴市草不綠。傷心南效淫。藁葬南城濱。拳變負骨歸。停靈鏡湖曲。於今十六年。已易中原鹿。黨獄起沉冤。盡解禁癩酷。有母八十秋。羽化歸天竺。萬里返忠魂。同葬樵山麓。總統下哀詔。都督軍容肅。大吏派代表。送葬連艦舳。大字大碼頭。士女花如簇。及我同門友。同薦芻一束。地下應含笑。大名垂閭竹。吾從南海遊。深恩受教育。與君未謀面。照像一流目。死者長已矣。慷慨想遺躅。後起參天秀。草堂生萬木。

弟子李子岳敬呈

留田行

中權沈胡義孝留田形管失守與
不之留田篇之紙九英英之留田
柳木夫魄媿魂僵留田方復拂我
學子上留田哀哉國夷賢隕留田
康太仁母勞太夫人神遊
母徒陳邦福收輓

錄 烈 三

哀烈錄卷三



哀烈錄卷三終

輓聯卷四

勞太夫人

何藻翔輓前清進士外部郎中

創世論功歸瑪利。

然燈歷劫付摩耶。

哀

勞太夫人

區大原輓前清翰林院編修

景皇帝大葬適同時。歎忠孝難全。君親同傷。哀慟矣。
欽太后若逢于地下。問河山破滅。戊庚往事。忍言之。

烈

幼博烈士

區大原輓

十六年前天胡不弔。

錄

八千里路魂兮歸來。

勞太夫人

盧乃潼輓

孔孟母皆撫孤而後死。
中外人將觀禮于先生。

哀烈錄卷四

哀烈錄卷四

十四

幼博烈士

陳洵輓

孔融不坐。虞寄終還。惟公竟天。天年秋草。茫茫慈母夢。
孺子生芻。林宗私慟。只我傷心。亡國夕陽。黯黯黨人碑。

幼博師叔

吳德裕
梁道輓

哀
天道有存。無人心不死。無思變政。橫被奇冤。星隕城崩。山枯海竭。漢之黨錮。唐之清流。宋之道學。明之東林。比例尤爲慘酷。十餘年氛霧沈沈。渾作糊塗。何處馨香。崇烈士。

錄
維新。今奚若。守舊。今奚若。痛圖強頓成虛願。龍蛇起陸。風雨危巢。裂如波。蘭奴如印。度亂如墨。西窮如埃及。存亡爭在幾希。大千劫乾坤莽莽。靈歸哭踊。還并血淚。泣蒼生。

勞太夫人

嚴家熾輓
廣東國稅廳長

四方觀禮日。
三島罷遊時。

哀 烈 錄

幼博烈士

東市舊朝衣。國人含淚哀。黃鳥西樵新墓碣。望帝歸魂恰。杜鵑。

嚴家熾輓

勞太夫人

猶聞老母終。堂。回。日。樓。臺。悲。屬。國。頗憶寄孥江。上。重陽風雨宿陶家。

同郡生陳洵輓

幼博烈士

漢。戮。三。君。山。陽。途。備。虞。賓。位。天。遣。一。老。范。滂。翻。爲。仲。博。哀。

劉德恒輓前東莞知縣

幼博烈士

慘澹麻衣歸漢節。蔚蔥雜麓表瀧阡。

邵宇澄輓

勞太夫人

張鳴岐輓
廣西民政長
前兩廣總督

生男爲全球物望所歸。玉水璇源。孕育咸推衆母。母。教子作中國文明之祖。機聲鐙影。徽柔頓失大家家。

勞太夫人

潘博輓 前清民政部主事

不似凡人但慈母。

能令孝子作忠臣。

勞太夫人

宋育仁輓 前翰林院檢討廣西主考改道隨使歐洲

述賢明列傳。誦德象女師。過隙百年。祇貽令名。揚於後世。式文采家風。有衣冠會葬。生芻一束。願從禮制。勉節哀情。

幼博烈士

李開仇輓 廣東民政長

梁冀飛。章東市沉寃。悲太尉。范滂戀母。首陽歸葬。傍龍舒。

幼博烈士

廣東自治研究社社長 易學清 鄧善麟 盧乃潼 孔昭釐 梁致祥 輓

哀 烈 錄

熱血灑金臺。救國羣推公。嗚矢遺骸返珠海。傷心還伴母靈輻。

勞太夫人

黎煢輓廣東交涉員

觀禮動四方。有子麻衣歸故里。下風拜南海。令人荻畫憶當年。

勞太夫人

何整培輓前秘魯領事

管北海去遼。蕭條異代。郭林宗葬母會送千人。

幼博烈士

門下晚生羅惇

景

輓前清郵傳部郎中
總統府秘書

急國難。不流于私愛。奪幼子。不變于初心。苦滂母之賢。未足比也。宏教澤。則吐納萬流。揚親名。則彌綸八表。雖孟軻之孝。奚以加諸。

勞太夫人

海澄邱焯

菽園

輓前清舉人
廣東補用道

有子是黨綱。名賢美蔭。萱蘇比跡。漢書成孟博。

哀烈錄卷四

嗣君稱廣大教主。乘真忉利。齊肩佛母。重如來。

幼博烈士

門姪張壽

波坤哀輓 前清舉人 前清秀才

混波旬於帝釋。痛忍辱之仙人。歎十六年劫運湮沈。誰解念柴市餘哀。發心供養。捨身命作布施。以慈悲得滅度。舉四百兆衆生饒益。應賴此陶輪一擲。還我莊嚴。

幼博三兄冥鑒

弟有霈哭輓

先覺乎先受其災。痛戊戌蒙難于北京。爲救四百兆人。我兄流血。後死者後任其責。幸癸丑歸葬乎南海。最傷十六年事。有弟空啼。

幼博烈士

何天輔輓 前清進士

魂歸問道八千里。

冤雪於今十六年。

勞太夫人

吉龍

利津

三堡自治會

關福五 陳冠朝 羅朗新

等輓

歸來有國。饗祀有家。此日魯黎。無遺恨矣。希聖難兄。成仁難弟。昔年孟母。實育成之。

哀 烈 錄

幼博烈士

東市銜冤。故國重題。華表鶴。
西樵還骨。滿山都化。杜鵑花。

李之腴輓

幼博烈士丈

鄭穀詒輓

源燕京。濺血六賢。抱痛朝衣。醋禍孕龍。祭恠呂武。善終造物。右強沿老例。
記鏡海招魂。幾輩吞聲。剪紙新封。遷馬蠶嘆滄桑。瀨變伏生。遺女已成人。

幼博烈士

梁慶桂輓
前學部參議

千年碧血常凝。磊落濟時才。柴市悲風同一慟。

卅載素交如夢。淒涼懷舊淚。金閨曩事忍同論。

烈士幼博

陳端輓

爲變政蒙冤。當年一念維新。便拚一死。
能捨身救國。此日千人景仰。自足千秋。

勞太夫人

愚姪何天衢率

姪步瀛 子 羣 輓

救國轉亡家。昔款今情最難忘。萬里孤臣衣帶詔。中慈母線。有一能異聖。歿留生眼。曾當壽十秋。信史光宣朝。上黨人碑。

烈士幼博

姻弟黃佩章輓

哀
同氣佐維新。邀天幸而痛人謀。兄生弟死。其和山變法。起罪魁而磨功。首目暝心傷。

烈士幼博

孔邊合鄉紳耆

錄
權不收高太后。禍終伏武才。人熱血竟空。澆當日捐軀。與五君子皆爲世話。功欲知何緣。俟事若同徐節。業遊魂雖久。滯今朝歸骨。想一片心早有天知。

勞太夫人

章宗祥

鴻雁訪箕疇。十六年望斷南溟。海外明夷歸苦晚。空桑毓孔寶。三千載踪追東魯。閨中學善澤方長。

勞太夫人

王家襄輓
國會參議
院議長

世家追東魯聖人。譜系常新。異代猶光名母傳。

哀 烈 錄

有子作中原宗。主斯文未喪。生還早。屢暮年心。

勞太夫人

張謇輓 農商部
總長

長君以學術彰。往察來南海。名爲天下重。近世所尊崇。令妻賢母。北堂痛失女中師。

勞太夫人

孫武輓 中將

有子能爲孔教長。令余遙憶孟母風。

勞太夫人

王揖唐輓 中將
總統府高等軍
事顧問
前清翰林

母德在人間。有子范滂心已慰。春暉悲日影。還鄉蘇武恨何窮。

勞太夫人

黃遠庸 張嘉敬
李國珍 藍公武
輓 國會議員

歐永叔無愧孟軻。得子如斯。甯有憾。蘇長公願學范滂。賢母成之。于童年。

哀烈錄卷四

勞太夫人

喀爾喀札薩克親王那彥圖輓

是惟仁姑厥德可庇。
用慰其孤罔極之。

哀

勞太夫人烈士幼博

南海岡邑公輓

仲博死義孟博逋亡十六年旅櫬扶歸地下相逢呼阿孀。
孝子哭親忠臣哭國九萬里還球踏遍人間何世恰莊生。

烈

勞太夫人暨哲嗣康烈士靈柩同日歸葬樵西國自大總統以下咸致賻

錄

奠而烈士之死太夫人固未知之也相見黃泉痛談家國其愴恨爲何如

耶爰掇輓詞用申哀悃。

勞太夫人烈士幼博

方仁泉偕男子壽輓

養子盡奇才各抱精忠無如保國空謀兄作逋臣又復弟羅冤獄。
撫孤稱節婦竟蒙險難所幸得天默佑魂升澳地終能骨返鄉園。

勞太夫人

李之腴輓

哀

管寧無恙。孟子後。喪及門桃李。拜公卿。賀者在堂。弔者在室。木鐸方徇。金萱遽萎。有子聲名遍中外。其生也榮。其死也哀。

勞太夫人

張元濟輓 前清學部副大臣

負逃處海濱者十六載。可憐黨禍。誕生新中國之第一人。斯為女權。

勞太夫人

張五車輓

子不忍。太夫人更不忍。於是乎卒。古有誰。今天下又有誰。無忝所生。

勞太夫人

宋壽徵輓 粵海關監督

錄

烈

蘇武持節海外。孤忠奉蒸。櫬歸故鄉。閭巷交稱。非此母不有此子。宋玉招魂。江南千里。挽素車。瞻丹旌。道傍太息。生也榮而死也哀。

烈士幼博

宋壽徵輓

苦節痛膺滂。劇憐阿兄逋亡。眇斷東市朝衣。西樵墓木。

哀烈錄卷四

大名垂宇宙。太息中原擾攘。變。昆。北。堂。諱。草。南。海。滄。桑。

烈士幼博

蔡春恒 廣東水上警廳長

存心以不忍人爲宗。當時殺身成仁。破古力開新世界。歸骨在初立國而後。有客招魂。作賦告公。重覓舊山河。

烈士幼博

金鎔輓 廣東憲兵司令

當代人傑。幾盡一朝。自先生成仁。清運已決其早去。

嶺嶠飛雲。痛沉南海。幸長公返國。故鄉得以安天靈。

勞太夫人

廣東地方自治研究社社長

易學清 鄧善麟 廣乃潼 孔昭慈 黎廷桂 梁致祥 輓

斯民庶見士喪禮。

有子能爲天下師。

錄

烈

哀

哀 烈 錄

烈士幼博

天。道。寧。論。十。六。年。回。首。東。華。烈。事。常。聞。變。政。記。
人。間。何。世。八。千。里。歸。魂。嶺。表。傷。心。重。賦。大。招。篇。

李之昫輓

勞太夫人

海。隅。東。渡。如。來。萬。國。衣。冠。皆。頂。禮。
瑤。島。西。歸。王。母。滿。園。桃。李。不。知。春。

池寧清
李烈稱輓

烈士幼博

寥。落。黨。人。碑。遺。事。昭。昭。傳。萬。口。
悲。涼。三。字。獄。大。名。鼎。鼎。已。千。秋。

鄧華熙率子

善本
達麟輓 前清雲貴總
督貴州巡撫

勞太夫人

何天衢輓 舉人

孔。悲。失。慕。孟。踰。前。喪。國。難。呼。號。去。國。家。恤。呼。號。奔。家。弔。死。問。存。外。界。旌。旂。下。南。海。
人。逐。滿。輪。天。留。木。鐸。母。產。維。新。之。子。子。實。維。新。之。母。節。哀。衛。道。滿。朝。桃。李。信。西。樵。

烈士幼博

蘇村合鄉六姓仲耆拜輓

哀烈錄卷四

廿五

不日功。首而日罪。魁。慨。蹈。刃。捐。生。舉。世。未。聞。哀。悼。
既。能。福。民。復。能。利。國。際。孟。棺。定。論。微。公。孰。稱。共。和。

烈士幼博

八約
象台鄉紳耆等拜輓

中國改革偉人。烈士壯志未酬。天胡此醉。
象台釣遊舊侶。哀我愴懷何限。魂其歸來。

勞太夫人

莊蘊寬輓
江蘇都督前清
太平歸順道

母氏亦已云。勞。薤。露。警。聞。相。嚮。哭。
國人皆曰有子。蒲輪遙逮。恨來遲。

勞太夫人

何天輔輓
前清進士

令德無慙衆人母。

有子足爲天下師。

勞太夫人

嚴惠溥輓

緇維壽母。夙著賢稱。最憐樵嶺魂。歸。萬里黔婁心欲碎。

哀

從古大儒。半資慈教。且讀瀟岡阡表。千年仇氏史同傳。

勞太夫人

鄧瑤光輓

廣東警察廳長

二千年未墜斯文。道義鉄肩。孟母賢爲天下式。十一國周流初返。蒼涼珂里。皋魚哭於道旁哀。

勞太夫人

鄧華熙率子

本道輓

生兒成偉才。公論已彰。母目亦瞑。撫孤完素志。蘭石表性。松筠挺標。

烈士幼博

何天衢率

姪步瀛

同輓

舉人

錄

青山幸葬杜根。魂返西樵。杜鵑枝染杜鵑淚。碧血化爲烏鳥。冤鳴東市。烏白花開烏白啼。

勞太夫人

羅廷選輓

大陸未沉。無恙子卿歸故國。

千年小別。不教王母返瑤池。

哀烈錄卷四

烈士幼博

李世桂輓 前清總兵贈中將

黨人無復留碑。當年同慨蘭焚。重溯芳蹤京樹黯。死士已尊遺壟。此後應須樵禁。長存烈魄嶺雲高。

勞太夫人

潘斯鎧輓 廣東清鄉會辦前清遊擊

是仲氏任淑身啟聖。爲范滂母教子成仁。

烈士幼博

李翰芬輓 廣東教育司長前清翰林院編修

靈骨抉目吳門入地竟。賁亡國恨衛鞅製尸秦市呼天無補救時衷。

烈士幼博

王覺任輓 東莞縣知事

三字竟沉寃恨不斬奸賊頭。願爲公伸雪。千秋一灑淚。最悽絕忠臣骸骨異地歸來。

烈士幼博

王傳珍輓 番禺縣知事

窳霜夏零。憤泉秋沸。
忠臣解骨。君子吞聲。

勞太夫人烈士幼博

李忠鄴 曹毅輓

問天。天有理。無問地。地有理。無。十餘年柴市。奇冤。江山改色。慨千秋。黨獄才剪。朝傾。
漢末。明。清。同。覆。輒。

聖道而今已矣。王道而今已矣。四百兆蒼生。鉅劫。鬼神奇。驚際此日。歸魂。椎心泣血。
卵胎濕化。盡興哀。

勞太夫人

葉恭綽 財政次長

錄
洙泗溯母儀。空谷生芻容。我奠。
河汾開教澤。橫流砥柱賴兒支。

勞太夫人

向瑞 驛輓 國務院秘書

爲一代大儒之母。是百年靈秀所鍾。三千界信女。善男。齊仰徽音。方視慈雲。拜天姥。
自戊戌變政。以來。洎壬子改元。而後。十五載憂民念國。備嘗艱阻。何堪垂暮。哭衰親。

勞太夫人

梁志文輓 前清甲午進士吏部主事

嶺學導。中原辛苦三遷。賢母應書南海志。

鄰春槍遺事興亡一代。宗周無解北堂憂。

勞太夫人

李慶芳輓 國會議員

如母信女中豪傑。

生子作當代師宗。

勞太夫人

徐家寶輓 風雲

錄

烈

哀

粵海起愁雲。光曜暗南天。寶葵。

尼山追聖跡。郎君著東國奇書。

勞太夫人

石德芬輓 前清舉人四川道

咄哉曾參賢。閨中投杼驚慈母。
勉以范滂傳。海外雄文屬長公。

烈士幼博

黃自求輓

哀

六君子保國捐軀。何圖壯志未酬。竟爾撒手長辭。讀史當留千古恨。十餘年捨身救世。回憶劬勞罔報。遽然拚身一死。招魂慰應九泉靈。

勞太夫人

李翰芬輓

柴車就義。范汝南家傍夷。齊碧葬怡同歸。如母何慙女中傑。漆室傳經。王河汾門多將相。黃連懷助讀。有子今爲天下師。

烈士幼博

黎熿輓

烈

東市覆奇冤。痛今朝事變更。始獲歸輜依滂母。西樵增勝慨。此後遊人憑弔。定多酌酒奠磯山。

勞太夫人

世姪鄭官應輓
前清江南候補道

錄

廿載睽違。却喜范滂回海外。三年顧復。應教李密泣堂前。

烈士博幼

何廷光輓
前清廣西補用道

頭顱碎擲。起廿二省鮮眠。論救國勳勞。公居首選。

哀烈錄卷四

卅一

哀烈錄卷四

世二

骸骨負歸。更十四年旅厝。念故人風烈。我肅心香。

烈士幼博

同人社學九股公輓

保國卽圖。強賢兄素志。雖讒言煽阻。君仍勉佐艱難。乃先畢命含冤。九股同人咸抱痛。移宮猶預政。哲婦邪謀。自大獄織成。世遂漸歸淪喪。究竟垂名終古。千秋定論必稱忠。

烈士博幼

同人局內孔邊鄉後學方麗靈撰

憶聖主當陽。奈遭呂武陰謀。鷙地埋冤。似子洵無慙烈士。歎賢兄保國。竟受箕文大難。幸天垂祐。至今始免作逋臣。

烈士幼博

池鑒清李劭稱輓

當年噩耗傳來。黨鋼冤深。四海英雄皆墜淚。此日玉棺移葬。維新願達。九京烈士共增光。

幼博烈士

何天衢輓

哀

與五君子糜軀。毅魄返雨天。含笑恐驚慈母夢。
爲乃寡兄殉道。血衣陳東市。剖心惟有聖賢知。

烈士幼博

陳官桃輓 河南高等檢察廳長
前清河南巡警道

與瀏陽諸烈。把臂成仁。任朝市滄桑。各自大名垂宇宙。

奉孟母靈輜。同時歸葬。望樵山風雨。交和熱血灑英雄。

烈士幼博

葉衍華輓

烈

淚血告成功。溯戊戌變革迄今。十六年大道始行。尤與譚劉楊林並垂千古。
蓋棺存定論。任朝市推遷易位。凡幾姓高名不沒。當共星辰日月爭耀三光。

勞太夫人

吳德裕 吳道輓
李忠恕 曹毅輓

錄

爲億兆年鞠一人。蒼精特降。他日教宗合併。大同書徧布環球。薄海切思天下母。
駐塵世間將九紀。月殿攸奔方今華國維新。共和法紛爭議院。有子終爲王者師。

勞太夫人

李世桂輓 中將前清總兵
廣東清鄉督辦

惟賢母誕生哲人。伯肩道統。仲作國殤。障沉陸狂潮。砥柱中流扶陷溺。

哀烈錄卷四

卅三

是問氣獨鍾名世。樵麓喬松。草堂萬木。問擇鄰故事。後車迴日倍哀思。

勞太夫人

蕭文昭輓

移孝作忠。所生無忝。

成仁取義。歷久彌彰。

勞太夫人

蕭文昭輓
前清進士道

訪友過珠江。雨晦連朝。憾未升堂拜賢母。

乘桴宣木鐸。雲依三島。何堪歸窆返宗邦。

勞太夫人

龍溪
女士陸潔
焦埭
邱菽園夫人

錄

烈

哀

堂背痛萱摧。十餘載避地。三遷南國芳隣。猶欽孟母。

勞太夫人

馬貞楡輓
前南湖書
院教習

羣小害忠良。十死九生。謗積能無投扞起。
危言扶聖教。撥亂反正。道行足慰斷機心。

哀 烈 錄

烈士幼博

黨人恃貴而驕。可曾慨念前賢。殉國舍身貽偉績。烈士成仁而去。此日愴懷舊恨。臨風灑淚哭先生。

勞太夫人

洙泗溯淵源。有聞必先真。今世紀救時人物之母。庭闈撫杯椀。深恩固極。以古聖賢終身孺慕爲心。

烈士幼博

冤抑十六年。鈎黨甫除朝已易。魂招八千里。英靈不昧骨先寒。

勞太夫人

太君是孟母前身。理宜福壽全歸。笑含碧落。有子邀前皇特眷。恨煞奸庸中熱。誤盡蒼生。

烈士幼博

王世恩輓

黃崑齡輓

交通部僉事
前清舉人

林奎輓
馮霽輓

廣州黃浩卿輓

黃浩卿輓

哀烈錄卷四

卅五

廣哉隻手擎天。舍生取義耶。何期伯氏生。存天心若此。仁者以身許國。視死如歸耳。試問我公死去。國步何如。

烈士幼博

陳大稜輓

十六年飲恨燕京。柴市成仁。碧血慘流酬聖主。八千里歸魂羊石。梓鄉生色。青山何幸葬忠臣。

勞太夫人

適穎川韋珍寶輓

十六年久念忠魂。恨海傳魚。荻教總揮殉國淚。三萬日甫登上壽。香江騎鶴。薤歌淒咽捲濤聲。

烈士幼博

進步黨
梁家為
陳伯湖輓

其生也榮。其死也哀。真可與商比明。于垂高標於萬古。或輕鴻毛。或重泰山。孰不仰日星河嶽。留正氣於千秋。

勞太夫人

林岳西輓

養子盡奇才。死稱烈士。生號儒宗。承荻訓以輸忠。縱保國難。言姓字已爭光日月。

得天躋上壽。宴赴瑤池。葬歸珂里。溯竹蕪之挺節。更持門早著。儀型當永式鄉閭。

烈士幼博

林岳西輓

兄承帝眷。偕季昆共奮貞忠。何圖酷法妄加。荆天棘地之秋。君先盡命。國肆女權。忌豪傑遂施戮辱。幸得遺骸歸葬。白馬素車之隊。客上摧心。

烈士幼博

劉翰芬輓

風聲鶴淚。萬木摧殘。我應變乏奇才。書藏當年愆矢守。天怒狐悲。六君被逮。公臨難就大義。黨碑石日沉沉窳。

烈士幼博

黎祖健輓
南雄縣知事高
等檢察廳推事

錄
痛戊戌十六載沉窳。石爛海枯。此恨綿綿何日了。揭中國數千年黑幕。成仁取義。英風凜凜至今存。

烈士幼博

張學修輓
前清生員
虎門區長

東林後起爲誰。公與戊戌殉難諸賢。同時柴市成仁。黨獄冤沈千載下。南海先生有弟。憶自由子歸骸故里。今日樵山移葬。蓋棺論定十年前。

哀烈錄卷四

卅七

烈士幼博

陳和澤 李 閔輓

莫宏化碧。比干剖心。耿耿精忠懸日月。

明代東林。漢廷黨錮。沉沉冤獄閹陰霾。

烈士幼博

陳國楨輓

名藏黨人碑。最憐橫被罔羅。孟博云亡公論著。
光增流血史。太息從歸邱壟。莫弘雖逝碧痕新。

勞太夫人

梅縣廖道傳輓前清進士

貞操比敬姜。更親見兒曹成大名。與朱晦庵湛甘泉之母。同其芳烈。
督嗣邁郭泰。歷周流瀛海歸故國。合賈偉節徐孺子。一輩共奠生芻。

勞太夫人

林纘統輓州人

使懦者立。卽頑者廉。朝野同聲尊聖母。
日星在天。河嶽在地。宮牆一慟老門生。

哀 烈 錄

烈士幼博

兄有銘輓

哀痛從弟歸兮。胡乃留名不留命。
默數奸臣安在。可知欺世難欺天。

勞太夫人

陳國楨輓

荆公變法。朝野咸歸。忽承衣帶詔頒。驪唱太忽遺色笑。
范母訓兒。古今同映。獨惜蒲輪駕祝。烏私未遂表陳情。

勞太夫人烈士幼博

黃自求輓清茂才

慈母多敗兒。幸太夫人教訓嚴明。長則盡孝。幼則盡忠。忠孝萃門庭。難弟難兄。怎得
同聲一哭。

少年有奇氣。憶六君子悲歌殉節。孔曰成仁。孟曰取義。義仁貫天地。可生可殺。于今
獨享千秋。

勞太夫人烈士幼博

黃汪波輓

麻姑居天外蓬萊。幾見桑田變滄海。
孟母生人中麟鳳。能將鄒嶧繼尼山。

哀烈錄卷四

卅九

烈士幼博

杜覺兆輓 清茂才

芻。吊。附。慈。親。爲。千。年。政。界。而。生。爲。千。年。政。黨。而。死。
黍。離。傷。故。國。變。法。乃。歷。史。所。有。殉。法。乃。歷。史。所。無。

烈士幼博

葉覺邁輓 清舉人

以。變。法。始。以。變。政。終。十。六。年。朝。局。滄。桑。烈。士。大。名。同。不。朽。
存。也。何。榮。歿。也。何。憾。四。百。兆。生。靈。塗。炭。忠。臣。遺。骨。獨。留。香。

幼博烈士

鄧憲禹輓

疾。風。知。勁。草。板。蕩。識。忠。臣。六。君。子。諸。賢。公。之。死。事。尤。烈。
浩。氣。還。太。虛。丹。心。炤。千。古。十。九。世。界。紀。誰。謂。中。國。無。人。

幼博烈士

呂之音輓

捐。雄。軀。震。百。鑠。今。披。廿。四。史。沉。寃。憑。弔。哲。人。傷。黨。綱。
爲。國。事。經。營。慘。澹。歷。十。六。年。浩。劫。痛。懷。烈。士。問。蒼。天。

幼博烈士

陳仲夔輓 舉人工部員外郎

先。天。下。之。憂。而。憂。殺。身。成。仁。歸。骨。起。予。哀。因。向。兄。前。哭。難。弟。

哀 烈 錄

移作忠之孝爲孝。及泉相見。傷心聆母訓。應原海外有孤臣。

烈士幼博

沙棠角鄉董事梁木立輓

呂娥姁隱蓄陰邪。援古證今。義憤有難平。特與賢兄匡乃辟。

徐敬業見稱綱目。平情論事。無忠雖莫益。自應烈士沒爲神。

勞太夫人烈士幼博

姻生張相儀輓

東魯素王。西歐基督。南海先生。克慰母心。宗教主。

漢家黨綱。唐代清流。戊戌變政。悼流弟血。奠中華。

勞太夫人

本鄉六姓紳耆

有令子爲天下師。何圖孔教方興。徵在竟辭尼父去。

惟節孝作鄉閭範。太息蘇魂無術。更生徒效國斯悲。

幼博烈士

蘇村六姓紳耆輓

勝國此仁人。憶當年。禍構牝。窶窶諸公慙。市。

吾鄉有烈士。痛今日。魂歸杜宇。湯湯紅淚漲銀河。

勞太夫人

閩清徐亮鈐季鈞輓

哀烈錄卷四

四二

極載劬勞。新見二子成大儒。青史比隆蘇軾母。
再傳多後學。敢援兩言定私謚。素帷同拜宣文君。

勞太夫人

陳煥章輓
總統顧問前清進士美國博士

十六年黨獄沉冤。今朝返葬樵山。不堪回首。

八千里忠骸歸骨。當日慘刑柴市。何處招魂。

幼子死殉政變。長子生扶教宗。一老天故遺木鐸。尙存鳴大道。

去秋猶見手書。今秋遽聞噩耗。百身人莫贖。蓼莪雖廢有餘哀。

勞太夫人

受業希張
山東七歲神童

尼山一禱。即生聖男。如太夫人誠不讓。

芳鄰三遷。遂出名世。愧予小子未能親。

勞太夫人

潘志和輓

一代女箴垂阿母。瑤池迴鶴馭。

萬流師表仰。有兒闕里續麟經。

勞太夫人

山西全省宗聖總會公挽

德教敏經師。允宜率士蒸嘗。明禰萬禩。
令儀垂懿訓。行見範金紀念。作則千秋。

烈士幼博

鄔寶傑輓

十六年首正山邱。泗淚京華。變法痛深王介甫。
八千里魂歸嶺嶠。綈懷祖國。論才悲憶賈長沙。

烈士幼博

吉利龍津熬頭自治會

關桑田
陳天貽
梁端甫

爲億兆人請命維新。有志未成。夢繞神京。杜宇聲中空泣血。
借五君子捐軀殉節。所生無忝。魂歸故國。萱帷地上慰同心。

勞太夫人

陳兆煌太理寺推事

生兒皆李杜。看阿母家庭教育。何等規模。庸福非所爭。晚景甯須傷落寶。
舉世望伊周。方吾師海國銜還。偏罹憂病。人才如此。阨。老天曾未念瘡痍。

烈士幼博

蘇星渠梁星橋輓

哀烈錄卷四

四三

哀烈錄卷四

四四

二萬里政變驚天。在昔黨獄株連。痛矣忠臣惟拾骨。
十六載冤沉滄海。迄今聲名洋溢。恣哉烈士始招魂。

勞太夫人

鄧憲禹輓

明德後有達人。彤史榮光燭千古。
爲國不遑將母。英雄血淚重滿瀛。

勞太夫人

譚喬初輓

賢母人間有幾。薤歌忽唱。秋盡空留。喪禮極哀榮。猶追溯孕育英奇。廿世紀降靈南。
海。

令子天下無雙。珠江旋歸。玉門生入。大名轟中外。最遺恨先零荳。草數十日淹潘東。
洋。

勞太夫人

梁魚芬拜輓

令嗣爲寰海宗師。乘桴歸國。
鯁生亦通家子。姓。執紼隨班。

哀

歡。頤。事。母。遇。變。全。兄。人。皆。稱。其。孝。友。
猛。勇。進。德。從。容。就。義。公。固。達。于。死。生。

烈士幼博

黃注陂輓

烈士幼博

沙涌鄉周姓紳耆公輓

徐。敬。業。見。許。宋。文。公。試。略。迹。原。心。無。藉。人。言。求。定。論。
周。維。侯。能。扶。漢。大。統。繼。殊。時。異。勢。固。知。君。死。有。餘。榮。

烈士幼博

沙涌鄉董事陳昌壽并

烈

漢。恃。周。太。尉。唐。恃。狄。梁。公。垂。櫛。各。整。乾。坤。往。哲。經。猷。誠。蓋。世。
檄。非。駱。寶。士。兵。非。徐。敬。業。舍。命。欲。匡。君。國。烈。魂。姓。字。更。驚。天。

烈士幼博

周鏘鳴輓

殺。身。以。成。仁。憶。秦。市。血。痕。染。出。維。新。異。彩。

舍。生。而。取。義。望。樵。山。雲。氣。歸。來。依。舊。英。魂。

烈士幼博

潘慈和輓舉人

藉。手。挽。狂。瀾。一。百。日。祕。殿。勤。勤。李。泌。匡。時。饒。偉。略。

哀烈錄卷四

四五

哀 烈 錄

哀烈錄卷四

四六

忠骸歸故里。十六年黨碑解。禁范滂終古有餘悲。

烈士幼博

盧壽泉輓

正氣浩然。充塞天地。
令名不朽。震鑠古今。

勞太夫人

馮翼年輓

廁身在蜀國門牆。北斗依歸。當年香海追隨。曾拜慈顏識韋母。
傷心是廬陵堂宇。婺星淪隕。他日瀧岡窀穸。應留遺恨愴歐公。

勞太夫人

林英輝輓

望萱草以愉懷。僕僕果何爲。國爾忘家。變法當觀改制考。
撫杯椀而飲恨。親親有自始。言近旨遠。匡時咸誦大同書。

勞太夫人

楊敏脩輓

八十年幾閱升沉。念壯歲賦柏舟。操中饋。燈前畫荻。月下和丸。訓二子以成仁。天
有知。縱使南海孕靈。即紹斯文承道統。

哀 烈 錄

三千劫何時銷滅。歎今日空杼軸。弛綱維。域外狼氛。中國虺毒。哀衆芳之就萎。魂兮安在。忍令西山歸骨。不推遺愛救蒼生。

烈士幼博

陳權輓

西市痛含冤。雖公論終在人間。何堪回首京華十六年。舊事重提。到今日遺骸歸故里。

南陔悲棄養。想慈親相逢地下。且勿傷心家難。廿二省狂瀾孰挽。讓乃兄宏略奠新朝。

烈士幼博

許作韶輓

守舊維新。天下無兩存公理。

捨身救世。先生確係再來人。

烈士幼博

林英輝輓

生莫虛。生二三輩政變。逃存迄今連拔茅。茹問誰果無慙故友。死非徒死。五六人黨囚被害。際此淒涼薤露。諸君何以慰忠魂。

哀烈錄卷四

四七

錄 烈 哀

哀烈錄卷四



輓聯卷五

勞太夫人

烈士幼博

總統致賻。外國哀迎。追悼有同聲。何况四鄉戚友。
故主奉安。慈親歸葬。恰巧逢今日。依然一德君臣。

卅二鄉同人輓

烈士幼博

前事莫須提。十六年歸骨鄉園。我殊動天人之感。
幽魂如不泯。千百世平心衡鑑。君應爭功罪之名。

世愚弟方菁莪撰

烈士幼博

碧血自千秋。史局不勞編附傳。
素車同一哭。碑陰容許與鐫名。

趙澄 歐陽藻
譚頤年 謝祖賢輓

烈士幼博

誤國恨龍。黎十六年名重黨碑。燕市楊漣同取義。

潘志和輓 舉人

哀 烈 錄

還鄉空鶴化。八千里心傷歸櫓。鴟原宋玉賦招魂。

勞太夫人

陳清源輓前恩平知縣

憫神州行及陸沉。幸有子熱心毅力。大聲疾呼。當衆人皆醉之秋。保國忘身。謠詠伏
危機。曲突曾獻徒薪計。
為斯民篤生先覺。痛歷年備嘗艱苦。飽經憂患。體慈懷不忍之心。著書救世。幹旋閭
泰運。在天堪慰倚闥情。

哀 烈 錄

烈士幼博

後學

全拜輓

陳汝成	王覺任	韓文舉	陳官純	林全	葉覺邁	廖雲藻	葉衍華	陳宋孟
梁懿增	馮焱需	潘焱熊	吳天民	羅其鍾	羅作森	許韶	俞安風	趙鐸如
王澤民	馮紫珊	周鐸鳴	黎祖健	葉炳章	趙炳灼	劉翰榮	嚴光第	陳日明
陳大稜	溫春雲	湯翰平	張學瑞	伍學莊	黃孝覺	陳景仁	丁惠釗	姚梓芳
唐天如	盧柱生	葉惠伯	葉衍蕃	姚倫三	陳國鏞	葉衍英	沈宗鐸	

流血救蒼生。移孝作忠。菜市捐軀傳國史。
運輜歸梓里。淒風零雨。樵山揮淚弔英靈。

烈士幼博

梁鸞瓊輓

天挺人豪。成仁取義。
地鍾奇秀。生甫及申。

烈士幼博

陳怡龍輓

君國本有待公卿。胡竟禍厥股肱。苞桑誰繫。
兄弟雖微分內外。痛此傷乎手足。瓜葛偏連。

勞太夫人

李子岳輓

試問四千年苦節。却爲誰來。白雲問氣。樵嶺鍾靈。誕生南海聖人。漚孔佛耶。回教派
潮流徧地。罌壘花現。

詎圖三兩日微疴。遽然仙化。絳幕招魂。青絲繡像。水訣中華國士。合百千萬億師門
龍象傷心。嫠女星沉。

勞太夫人

陸敦騏輓

十五年塗市沉冤。幼子有知。痛相逢於今日。

數十里蘭堂就養。錢孫告慰。記欣錫以聲名。

南海先生流亡海外及戊戌秋留檳榔嶼迎太夫人于南蘭堂人太夫以八十之老跋涉重洋其苦可知是時駿護從行於心不無戚戚耳南海先生適於是生子太夫人爲以名太夫人信手拈出與括一字曰茲錢者老彭氏也太夫人以是喜其孫之得永年也

勞太夫人

小門生祁鴻寶輓

身經八秩星霜。家不愁破。子不愁離。方期百歲凝床。太師母猶無恙也。日斷萬里烟海。弔禮未親。唁禮未盡。竟至兩般抱憾。小門生能勿慟乎。

勞太夫人

許作韶輓

錄
心地觀經可廢。哀哉慈母竟不留。天胡此醉。尼山日月可傷。已矣國教雖未定。道亦能行。

勞太夫人

梁鷲瓊輓

有子嗣徽音。德操同欽旌闕里。作師維大教。生平無負祝尼山。

勞太夫人

鄭穀詔輓

妙證剎那涅槃。成佛龍天常住。
駭動六洲君相。有子日月之光。

烈士幼博

張綿輓

千萬里外身在江湖。心存魏闕。民國喜當肇造。誰料歸來蘇武。堂上養遺。移孝作忠。
昔日空懷陟謁。

烈

十數年前。髮髮成譜。方正不容。孤臣莫掩幽光。甯效爲厲子胥。潮頭影現。舍冤飲恨。
他年尙恨亡吳。

烈士幼博

盧乃潼輓

政局維新。六君子經綸克展。
故園感舊。十五年骸骨終收。

烈士幼博

佛山尊孔會梁有才輓

烈士果殉名。殺身成仁。亮節長流千古恨。

哀烈錄卷五

五三

忠臣不怕死。舍生取義。歸魂猶動萬人悲。

烈士幼博

劉錫癡輓

革故溯前朝。殺生成仁。誓願頸血留青史。
維新光祖國。捨身救世。慘餘肝腦濺黃魂。

烈士幼博

梁鯨芬輓

十大夫參政齊名。每思聯袂京華。千古難忘柴市痛。
五君子同時赴義。幸得歸魂嶺表。九秋長誌楚庭哀。

勞太夫人

許之衡輓

錄

烈

哀

滂母有知。坤靈待合。
孟隣不再。姆教將窮。

烈士幼博

沙涌崗鄉陳姓紳耆輓

此心原移孝。作忠雖酷法。妄加已得時。賢爲著論。
其事在保皇。立憲乃奇冤。坐受是真志士不求生。

哀 烈 錄

勞太夫人
家有孝孫。恨含殮未能。親奔喪至數千餘里。
母是聖女。仰儀型之先。樹式化者三十二鄉。

上大仙岡鄉陳槐蔭
如光等恭輓

勞太夫人

黃佩章輓

罷社動鄰。悲况長君。純孝天生。何恨哀思。瞻彼岵。
育才資母德。有令子主持風教。不虛禱祀。向尼山。

勞太夫人

大仙岡鄉陳敦陸堂紳耆輓

十六載遠道遨遊。方冀壽享期頤。奉母生還桑梓地。
大雪令重洋遄返。不料年登八歸。引棺歸葬故鄉墳。

烈士幼博

大仙岡鄉陳敦陸堂紳耆輓

重義拚輕生。雖曰求仁得仁。於今櫬返故都。難免動閭閻紀念。
因禍轉成福。竟能執政變政。此後魂歸冥漠。真堪起父老哀思。

烈士幼博

羅伯雅輓陽山縣
知事

一阻十餘年。朝局痛心。論世早知冤獄誤。
以仁共稱六君子。樵山生色。招魂今侍老親歸。

勢太夫人烈士幼博

瓊崖學界吳宗澄。土國憲輓

賢親教子。移孝作忠。上頒軍旅護。喪誰謂天道無憑。積惡餘殃。積善慶
令弟代兄。成仁取義。中外官會弔慰。僉曰人情尙在其生也。榮其死。哀。

勞太夫人

雪梨李硯田輓

繼尼山聖母。作南海慈親。嗟棄養以登仙。萬里令予思盛。
爲哲學大家。膺維新領袖。嘆光前之有子。九天應爾慰靈魂。

烈士幼博

陳秩元輓

隨八十三老母歸魂。閱世感滄桑。遙望南天。悲化鶴。
爲四百兆同胞流血。成仁追楊左。至今遍地有啼。

勞太夫人

黃海清輓

勗吾師成世界大儒。息邪說。排異端。名教幸不淪。無愧當年孟母。

哀 烈 錄

勵小子爲東方志士。鞏中央。愛民國。功勳猶未立。有慙今日完人。

勞太夫人

黃倬南輓

英港絕機聲。鄒邑餘生齊下淚。
中邦失母範。粵垣孺婦盡傷心。

烈士幼博

廣有輓
榮合輓

守義成仁。身殉燕市。
改元開禁。魂返樵山。

烈士幼博

陳 權輓

西市痛含冤。雖公論終在人間。何堪回首京華。十六年舊事重提。到今日遺骸歸故里。

南渡悲喪養。忽慈親相逢地下。且勿傷心家難。廿二省狂瀾孰挽。讓乃兄宏略奠興朝。

勞太夫人

勞以敬堂寄猷等輓

烈

表弟陳彤恩偕男景華任景濂任孫兆垣全愧

必以桑梓爲依。扶櫬歸來。孝子善承母志。

忝屬葭莩之末。執紼致醫。姻親永切哀思。

烈士幼博

表弟陳彤恩偕男景

華

任景濂任孫兆垣全愧

十六載始雪冤沉。當年取義捨生。總爲同胞謀幸福。

五大洲齊深景仰。此日人亡政舉。竟留民國作新猷。

勞太夫人烈士幼博

海防司令部長黃倫蘇
及黃埔船局長吳瑞植

令子並傳人。忠孝一家當年策上彤廷。計奠安危詎料茹荼蒙急難。

哀 烈 錄

蒸輝有能隆。哀榮千古此日魂。登仙闕。賢留史冊同瞻畫。荻慰先靈。

勞太夫人烈士幼博

呂熊飛輓

舉世託安危。痛此時母去仙遊。一慟宮牆齊墜淚。大儒崇氣節。願後日黃蕉丹荔。千秋史傳爲書勳。

勞太夫人

陳怡韻輓
前清游擊

四德並三從。溘然蘭惠香沉。舉國敬停桑柘社。大儒爲孝子。慟矣葭葶情觸。言詩冀廢蓼莪篇。

勞太夫人烈士幼博

惠陽任殿脩輓

環珮望湘靈。伏處啣哀海上歸。來憐孝子。精魂繞粵表。見危授命。夢中憔悴哭斯人。

勞太夫人

勞紹勳輓

老姑婆淑德堪稽。從父幾何年。從子尊養又幾何年。壽享八旬。胡忽駕返瑤池。感無限薤露秋涼。空對幃前哀孟母。

哀 烈 錄

哀烈錄卷五

六十

賢哲嗣徽音是式。讀書十餘載。講學十餘載。遍歷環球亦十餘載。名高四海。正值籌安社稷。恨不得萱堂日永。長依膝下戲萊衣。

勞太夫人

胡國廉 前清三品卿銜
余彥塵 輓

救國孕名賢。黨綱傳中思范母。
享年膺上壽。仙凡界內失麻姑。

烈士幼博

黎文翰 輓

矢志欲匡時。慨諸君危難同膺。取義成仁。特開生面。
捐軀爲救國。令後學景行徒切。瀟風晦雨。如見英靈。

烈士幼博

區謙之 輓

扶政治思想。設當時革命成功。九原中亦應瞑目。
爲國史編修。幸今日蓋棺定論。六君子必與齊名。

烈士幼博

潘斯容 輓
斯岳

一朝難殉都門。黨獄淪胥亡漢社。

萬里魂歸粵海。義聲赫濯震佗城。

烈士幼博

黃梅清輓

熱血洒同胞。當年命請萬民。東市竟難存直道。
新邦追烈士。此日葬歸百粵。珠江應共弔忠魂。

烈士幼博

楊香池輓

情殷愛國。策定匡時。三數月魏闕陳書。心契早知膺簡在。
孔曰成仁。孟言取義。十六年鏡湖旅櫓。魂歸應足慰謗靈。

勞太夫人

陶仁壽輓

懿範美思齊。誕育奇英。擴尼山大義尊。周千古無慙文母。
慈懷推不忍。維持世教。邁誰國好心事。五州應識春暉。

勞太夫人

何廷光輓
前清廣西補川道

光采臨西池。念當年調子成名。報國何慙古陶侃。
淵源溯南海。憶少日從師受業。登堂曾拜老文宣。

哀烈錄卷五

烈士幼博

三十二鄉衆紳董挽

熱血灑當年。不幸遭彼婦。淫兇織冤獄。慘捐頂踵。
烈魂歸此日。願陰佐乃兄。計畫導輿。力整乾坤。

勞太夫人

域多利

劉子遠
徐添華

吳始芳
駱月湖

挽

教子捨身救國。生者守義。死者成仁。拘甚麼烏鳥私情。克盡親喪。稱大孝。
相夫竭力持家。常則樂天。變則任命。想此際鵲橋重會。特隨天眷。訴離愁。

勞太夫人

加拿大憲政黨七省總理

周子廷
周沛堯 挽

烈
一旦遭登仙。想異時南海奔喪。碧血迸結遊子淚。
八旬躋上壽。到此日北堂棄養。紅塵應釋老人憂。

勞太夫人

域多利憲政黨周子廷挽

有子趁匡時。公爾忘私。爲國馳驅。曾附驥。
賢母應享壽。老當益壯。傷心駕馭。遽乘鸞。

勞太夫人

域多利國民報社

陳繼邦
樊梓英 挽

哀

眞賢母乃生眞偉人。正當衆望攸歸。稍慰親心娛暮景。
大福命應得大壽考。詎料一朝長逝。難邀天谷錫遐齡。

勞太夫人

衛澤堂孫康廷勳率男偉良輓

時事可爲乎。江南春老塞北星沉。即今閨闈名流無此才華勗哲嗣。
死生亦大矣。奉教廿年久違萬里。報道秋風節屆。奈何花落痛靈魂。

烈士幼博

陳舜臣輓

烈

舟楫本奇才。詎甘載窶沉。竟効馳驅違所愿。
葭李聯舊誼。何九原重臨。愧無賻贈痛于懷。

勞太夫人

潘慈和輓

錄

賢母著徽音。感賦雲停。靖節涕零多慨慕。
育兒成偉器。名高天下。太任胎教溯從來。

勞太夫人

鄭蕃昌輓

一身付儀範。天下是女堯。舜是女丈夫。盛德亦遐齡。生死榮哀昭令望。

有子人傑。蓋世間。救我國家。救我民族。懷仁而抱義。毀譽曲直付東流。

勞太夫人

雪梨憲政黨總理鄒蕃昌葉炳南梁劍輓

邁古來稀之壽考。賢齊壽母德姬周姜。爲國作俸型。四海翕然同仰慕。產烈時時之英雄。長山黨魁幼成烈士。克家有令子。九泉應亦慰平生。

勞太夫人

伍秀光輓

烈

背剛筆維新。憶當年。驚風橫遭。南海北京同歷劫。慈躬歸溢。遊離遺日國。克聲。人間天上兩開懷。

勞太夫人

姚元揆輓

錄

侍函文而仰慈輅。方思壽享期頤。永慈福際。由異地以而靈輓。當此神歸故里。備致哀榮。

烈士幼博

後學姚元揆輓

殺身成仁。盡厥丹心。光史冊。去邪崇正。掃除黑獄。救蒼生。

勞太夫人

陳大稜輓

敦詩說禮修春秋。間接薪傳悲薤露。
齊家治國平天下。側聞彘訓憶檣城。

勞太夫人

域多利埠江介軒輓

哀

五族仰芳名。惹起國民哀聖母。

千秋垂懿訓。挽回宗教仗賢郎。

勞太夫人

宛地辟埠方守院
梁松勝方守約輓

烈

壽臻八六秩。太夫人辭世登仙。中外皆知。咸代遊于致哀悼。

政變十五年。老先生挺身救國。始終不懈。多賴賢母善栽培。

錄

勞太夫人

陸郁南輓

時局已奠。共相在賢母同深慰。藉方冀板輿迎養。少酬畫荻劬勞。傳親毛義。捧檄承歡。儘教赤縣神州。齊祝慈雲宏福蔭。

彼蒼各遺一老。致哲嗣莫展才猷。刺此青塊。餘生空隕蓼莪涕淚。去國子卿。終堂抱

憾。忝附蒼葭玉樹。獨臨香海劇哀思。

勞太夫人

域多利品地高埠周瑞廷挽

享世界高年。具家庭教育。爲名賢。爲烈士。型仁講義。瞻仰母儀。胡竟一朝悲作育。創維新大業。恢民族政權。或演說。或著書。苦口婆心。保持國勢。應嘉令嗣力回天。

勞太夫人

雪梨埠郭傑修挽

修淑慎以齊。家懿德徽音。南海夙欽賢母範。倡維新而救國。鴻才碩學。全球咸仰嗣君名。

勞太夫人

雪梨埠陳發魁挽

爲賢母發親愛感情。就養忘勞。檣嶼不嫌千里遠。有奇男成豪傑資格。著書覺世。萱堂猶抱九泉歡。

勞太夫人

澳洲雪梨埠郭順輓

懿德育名家。盡孝盡忠。卓犖男兒循母訓。靈魂托仙界。福民福國。轉移風會降神明。

哀 烈 錄

勞太夫人

陳仲開輓

有子誠孔氏儒。風詎料機杼教成。寢苦失恃。
舉國悼王家社。日况屬薦蘿誼託。執紼愴懷。

勞太夫人

劉可齋輓

作古悼慈躬。魂遊仙界。德著人寰。紀念永朝還永夕。
顯親有孝子。血灑燕京。薪傳孔教。揚名難弟與難兄。

勞太夫人

雪梨埠梁衍蕃輓

慈駕列仙曹。懿德仁風。百世流芳遺渥澤。
嗣君推傑選。合羣救國。廿年盡瘁著元勳。

勞太夫人

區謙之輓

清氣蘊必芝草。生賢母定生聖子。
靈神藏而麟鳳育。慈者果育真人。

勞太夫人

呂之音輓

四千年時事變。遷孕育有奇人。端軀維持一髮。數十派淵流。難提攝憑正訓。堪推普渡衆生。

烈士幼博

林志仁輓

憶當年領教鏡湖。悲憤終宵。救世苦衷嗟不果。羨今日名彰中外。遺音千古。舍生取義以成仁。

勞太夫人

杜覺兆
趙鐸如輓

開千年民族之始。結千年帝運之終。宇宙茫茫。誰爲胚胎延一脈。其母立天下之儀。其子成天下之務。音容渺渺。忽驚風樹愴全球。

勞太夫人

劉汝興輓

賢母裕鴻慈。仙逝云遙。緬想仁風垂闕範。奇男成大孝。德高堪仰。發揚憲政鞏邦基。

勞太夫人

勞垂裕堂恩榮等輓

厚德植華門。想當年畫荻和丸。培成哲嗣經綸。才冠東西道宗孔孟。

芳魂歸梓里。痛今日騎箕駕鶴。景仰姑婆淑慎。恩承家國祀享春秋。

哀烈錄跋

先世母勞太夫人之喪。痛適歸自美。與仲兄有銘同營喪事。伯兄方割瘍于日本醫院。痛苦呻吟之餘。加以創深痛巨。故海內故人元夫巨子多未赴告。既而十月伯兄奔喪歸自日本。十月十六日移葬幼博先兄從勞太夫人葬于故鄉銀塘。

之後岡。亦未及徧赴于國人。先十一月四日。以海明輪舟運載二櫬于香港。港督派警官率警卒百數十人護喪送葬。粵吏派兵艦寶璧江漢二艘至港護喪。

率海軍隊百人。港督特許登岸送葬。語廣東警長鄧瑤光曰。有港八十年來。未嘗許中國兵列隊登岸。今破例特許者。敬康先生也。天未明四時許。海明艦將至羊城。廣東都督龍濟光先乘兵艦迎于海上。偕鎮守使觀光入弔謁伯兄。遂泊長堤馬頭前。兵隊千數。警卒千數。持鎗執楯。森列長堤間。自靖海五仙門。行人幾絕。珠江陳六兵艦于後。小輪三巡。數之天明。則民政長李開侁率百吏繼至。紳士千數。檐帷素車。莫不蒞止。觀者夾省河兩岸。以萬數。投祭文。輓聯。繙大

如牛腰。祭席紛來。吊客踵至。而靈輓之船。以午後啟行。多有望塵弗及者。于是都督省長各派兵。次葬。濟軍數百。陸軍數百。清鄉勇數百。而清鄉督辦中將李世桂會辦潘斯凱。司保衛任調導兵艦六艘。電船二。載兵之扒船四。賓客還鄉會葬者數百。小輪六艘。拖大船六艘。夜中月色如銀。將泊于西樵山下。則萬燭齊明。江浦行營之兵數百。列隊以防衛焉。及曉。連廬入于蘇村鄉。泊于銀河橋。則橋前喪棚聳雲。越數十丈。又一高棚接續三棚。皆彩闌纏白。相窳香淡。夾道以竹爲架。用懸輓聯。每隔一丈。二竹作柱。左右柱一聯。自橋穿棚至廟。入村門。銀塘富路。爲村前街。經陳徐黃康諸族祠巷前。乃繞康公廟至墓所。竹架幾二里許。輓聯盈千。素練颯風。飄望不絕。其康氏祠有方塘。隔東西。通以長橋。蓋以竹棚。皆隔丈。懸輓聯映水飄。曳橋自東爲惟卿康公祠。橋西爲康氏大宗祠。瑞圃康公家廟。七檜園並蓋彩。以竹柵闔。與白布帷球素聯五色祭幃百數。彌滿素練。白光映照夾塘。鄰鄉數十里內。皆奔走來觀。天未明。候于村外堤上者。已人滿矣。其于村人有葭葦戚誼者。皆來訪其戚。以觀盛禮。甚至有嫁女定期亦